



10205

嘉慶辛未嘉平月

陶山詩前錄

棠川酌民言堂藏板

詩家以性情為貴陶山先生真



是詩人性情故下筆每得古

人詩境深處此二卷乃其中

年以前之作竄佳者語

意雖晚得未曾有次者

姚序

亦各有一種情趣要不愧

為雅人之詠也

嘉慶辛未冬姚鼐題



陶山詩前錄自叙

余既刻入官以後詩十三卷檢癸丑以前至戊戌尚千
餘篇不忍棄請姚姬傳先生刪之存一百四十首別為
二卷十數年中菽水之養松楸之營履齒齡屑之遊歷
與夫公車往返山居食貧之梗概亦略可見矣人生由
少而壯而老已事如煙不可追跡唯藉此攄寫性情胸
臆之筆存其崖略詞雖不工胡可棄耶惜乎戊戌以前
之草自謂不足存而悲然之吁今之存者果足存乎吾
不信也此陶山詩前錄之所以刻也辛未長至月仲冕
自識

自叙

通州白懋初慎旃書

秀水瞿璜春溪校字

陶山詩前錄卷上

善化 唐仲冕 六枳

古近體詩七十五首

擬古四首

戊戌

驅車河洛間南北無殊軌仗此忠信心可以行萬里侈
蕩擊珊瑚讒間載薏苡古豈無賢豪往往踈疑似凜凜
持尺寸君子遇不詭俯仰天地寬逍遙得素履
凜凜歲云暮愁思起中夜烏啼月將落雁叫霜初下披
衣問何其晨起欲整駕仰看喬木深兼惜連枝亞客遊
如獨樹當風畏凋謝感茲物候移鄉井懷桑柘

陶山詩前錄卷上

客從遠方來遺我一書函書中何所道紬繹當發九樞
機榮辱主古聖歎三緘世情如水火人事異酸鹹恃直
而不戒次公衆所銜禍生自戕口作賦空憂讒莠言似
荆棘滋蔓宜速芟珍重金石辭捫舌立之監

客游何所得縱得又何如朱門斲其椽未若蓬戶居靖
節賦歸來僮稚共引裾心追兩漢上眼覩三古書在官
殊自苦乞食反為愉願君志飛鴻稻梁非遠圖自古行
路難慎旃發軔初

出都門晚行口占

卞和頻獻璞王粲獨登樓中酒蕪臺畔驅車易水頭夕

陽孤倦鳥村樹聚歸牛頗愛涼飈起稜稜六月初

題三楞齋

院東花欄度煙靄一楞瀟灑出牆外院西垣衣長斑駁
一楞清森出齋角苔蘚侵階石覆檐隔牆相對春漠漠
我日吟哦坐其下時擁鴉鋤護拱把但有小醵望大椿
不羨高名求美櫝幹不擁腫枝不拳不知已者詬厲焉
世無子知子有偶蕭散自足全其天我亦迂踈少諧俗
天之生是寧使獨掄材見棄栽者培植木無心來不速
雲深掃徑已逢三月明對影還成六休論臭味無差池
鶴鳴詩咏園有穀

陶山詩前錄卷上

寒食道中口號二首

撫景驚心處孤墳岱嶽西春暉何日報客夢昨宵啼百
五日空過蒼黃雲自迷愁看走士女拜埽到雞棲
春事徂強半衰顏違又年高堂人七十客子路三千山
勢幽燕巨風光蒼雪偏少陵當此日示子尚詩篇

聞家大人

客遊杭州

雨後

驟雨難終日晚晴得自賒雲殘不碍月風定為留花清
入三更鶴涼生兩部蛙連朝蒸歊洗迴似到長沙

雨霽登易州城晚眺

衝泥冒雨出塵囂百雉城巔一望遙塞上雲深天欲漏
河干風涌水如潮周遭列嶂兮西徼縈繞清溪送北條
指點荆軻山下路暮鴉起處有歸樵

月夜甯內兄少尉邀同黃別駕楊馮二學博登易
州南城飲

嵐拖晚寺響蒲牢興躡危城接散曹皎月初圓雲出塞
涼風一角客憑高蟬知秋近聲先劇酒到情酣首自搔
最愛漫漫山漲發和煙似涌廣陵濤

趙北口懷黃十九長原廿三一吾兄弟

長原名相
寧一吾名

湘南皆寧
鄉諸生 已亥

陶山詩前錄卷上

三

百頃薊田水盈盈送客愁繞膝看襦裋聽鳥訝鉤輶荻
雨千畦綠荷風五月秋自慙隨襪襪欲附遠帆舟
憶昔濠梁興招同住馬蹄隔蘆呼小艇掃屣門新題雁
齒經重倚鷗夷悵獨攜何時偕勝侶買棹話湘西

布山旅次喜何星田見過別後賦寄二首

星田名
同宣鄉

諸
生 庚子

嗒喪原無我楚來喜是君掩窓吟細雨燒燭話寒雲榻
近秋蜚覺山深遠楚聞新知促分袂旅緒更續紛
剝啄方傾釀分張自閉門樓空風出入雲亂月明昏永
夜邨更斷寒林野雀喧漫漫驚鄉夢覺落葉打窓繁

次韻星田安山雜咏二首

秋盡寒山葉憑軒獨望時村民乘屋早縣吏索租遲邀
客烹黃韭尋仙採紫芝顛懷強半阻落落有誰知
覓句冰生硯停杯月入帷因疑即見面促和舊吟詩夢
破深寒裏春生小飲時依人同落托歸計莫教遲

清明日獨遊凌漢峰下三首

辛丑

和風烘出曉窻晴簫鼓傳聲聽賣錫忽憶春光滿山臨
榆錢柳絮正清明

藤梢刺眼入幽岑短竹橫斜倚自嗟風亂桃花紅似雨
泛潭春水綠沈沈

陶山詩前錄卷上

四

踏殘花徑叩禪關却笑山僧不在山檻外蒼髯如舊識
披襟相對白雲間

篆刻漫興

繆篆摹印章漢唐法屢變參用朱白文奇巧競藻絢斑
駁為爛銅精細為鐵線煮石自山農象犀品乃賤壽山
與青田採洞紛玉片愛惜及銖兩價重逾鱣絹少小題
牋牘標識名手倩近習次仲書篆刻尤所羨萊山富砥
砮水蒼復蔥蒨嫩軟如切泥初試手猶顫點畫至於族
林然遲以眎規矩效斯冰倣詭仿敦龐自謂能稍稍逢
人輒賈術亦有好事者投石赴聞宴秋露愁泥活倚窻

坐深院別風淮雨間繁簡參譜傳越砥築氏削霏屑如
集霰橫理何庾庾疊壘用糾纏當其析毫髮自力烟巖
電能事不迫促四顧藏刀善楮葉笑無成棘猴渺難見
茲枝等雕蟲猶堪消晝倦花箋漫排窠脫手飛輕茜

陶山展墓往返得詩八首

納稼前村語漸譁板橋流水見人家荳花小圃經秋雨
柿葉深林帶晚霞為護障泥遲渡馬無多髡柳亂栖鴉
養魚池沼依稀在欲倚朱公學富誇
牛山嶺施接陶山峰嶢參差十里間嶺半缺來雲欲補
峽當斷處樹為關輕霜滿笠鞭羊早細雨籠煙去鳥間

陶山詩前錄卷上

五

自媿東西南北客崇封四尺望屏顏
夢裏曹騰色笑微九原長恨隔春暉羊腸細路樵通徑
馬鬣新阡石作圍霧滿藤蘿侵履濕草枯蚱蜢傷衣飛
可憐身上拈殘線遊子而今尚未歸
登高節近奈愁何此際西風振觸多卅載生涯常作客
十年荒隴幾迴過憑教日者推磨竭幾使門人廢蓼莪
更憶鄉關插萸徧扶鳩東望數駕驚
幾年歸燕賦難成席帽青衫客緒縈雁入南天霜有迹
蟲鳴秋草雨無情松楸空灑梁公涕桑梓偏輸萊子耕
荒碣摩挲鄉思劇遠山一抹暮煙橫

曙袍颺館促歸裝回首淒清百尺岡一帶茅茨煙繞碧
半溪沙路草鋪黃濃雲入樹埋山脚踈柳侵池淡曉光
長憶昔年邠老句可堪風雨近重陽

虛牝長拚歲月新詎從潦倒怨儒巾追懷斗麵逢生日
頗恠桑弧誤客身憔悴至今留藻鏡顏唐空自浣緇塵
百年底事頻搔首欲向瞿曇問宿因

身世低徊輒紫歎山椒一徑入崎嶇僮奴駭汗扶輪走

將伯驚心上阪呼

昨來山路凡兩覆車
迴過其處有戒心焉

已是勞薪還自

惜不教岐路更多虞秋風獵獵垂楊影好趁孤吟滿眼
酤

陶山詩前錄卷上

六

遊徂來山二首

壬寅

嶂疊峰仍斷溪泉出谷幽亂雲投客屐積翠引吟眸過
澗輕塵隔憑欄薄霧收丹黃紛滿樹不道是深秋
一榻依雲壑雙扉抱碧林却從鄉夢斷驚聽澗流深葉
墮風敲戶窓踈月入衾游裝凌曉發輕拂薜蘿襟

齋中雜詩二首

兀坐拚長日閒行過短橋僕言漫刺字吏苦遞詩瓢入
寺尋僧熟登山借馬驕為窮幽勝處谷口話歸樵

近山雲入室驟雨水平堂菜甲開新霽垣衣慣夕陽問
奇依樹久待月引壺長花事終年了閑齋伴晚香

送星田南歸應舉

癸卯

依下樓遲歷歲年坐談連榻出連羈為懷楚澤三秋月
攜得齊州九點煙汶上馬嘶楊柳渡岳陽風送木蘭船
承歡折桂應重至共躡雲梯到日邊

樗隱咏懷

有序

齋後霑舊有隱距門裁尺所迺移築其北得小圃廣
數弓中有竹樗而樗最茂因名樗隱時一涉足輒懷
星田新別故也

支離似我稱疎材小逕聊從屋背開雲影漸隨歸客遠
月明猶為故人來扁舟短策程千里老樹孤邨夢幾回
獨坐支頤無箇事暮鴉啼上隔牆槐

陶山詩前錄卷上

七

樗隱即事二首

日涉都成趣花畦漸綺交老樗高過屋新竹小如茅逸
夢風親榻孤吟月上稍寄焉同社櫟無意問芳郊
偶倚扶疎樹聊披山海經野花閒自舞啼鳥劇還停坐
記牆陰日看低屋角星嶺雲容易入檻外一痕青

過平陰作

家君舊治

榆山山頭路欽崎山下斗城日上遲嶺邊人家石累屋
林際雞聲棗編籬偶逢舊識十年話重覓古渡一鞭持
遺惠雲門與雉堞至今猶有耆叟知

題何雪圃詩集

雪圃名人
鶴綿州人

學詩如學琴調指無淺深幽蘭與綠水須知絃外音讀
詩如飲酒不貴甘可口樹桂有餘辛真是掃愁帚君詩
有性情我讀不釋手古人洵可學勉旃惟孝友遊子竟
何為衣食困奔走一讀一迴腸感君意良厚莫與外人
言里耳重折柳

遊靈巖贈陳明軒

明軒名秉灼
澤州諸生

自笑蕭然行脚僧一時杖履許同登巖頭鶴舞松花落
洞裏雲生塔影增出世欲隨陳壽愷開山先數佛圖澄
證明龕頂無無盡更約重游到上層

趙北口

陶山詩前錄卷上

一奩春縠縐輕紋十二橋邊草色薰趙北煙波迴無際
竹西風月許平分鶯聲漸合芳津柳帆影遙褰別浦雲
絕憶江干風日暖買魚沽酒趁斜曛

贈謝二少山

甲辰

同是樓羅客春殘旅思中軟紅新得雨浮白快當風已
分題歸燕憑誰識桐桐猶堪樂晨夕時共檢魚蟲

出都門二絕句

京華旅食又經春依舊當年席帽人促把歸鞭出郊墅
桐芭初拂笠簷新

濃綠含煙樹萬行幾家籬落野花香分明憶得江鄉景
但欠溝塍長稻芒

過郭隗墓

先生何卓犖自擬千里骨不惜五百金羣駿紛馳突嗟
彼相馬人驪黃辨俗目遺神而取貌空骨人所忽築宮
微燕昭先生終汨沒淪落不足言安能興也勃黃金臺
上草先生墓傷木一歲一榮枯千秋感樵牧

過潁考叔墓

驅車渡潁水豐碑誌古墓云是鄭封人考叔舊封樹獻
君食舍肉遺母同反哺惟藉一杯羹妙轉黃泉路沛公

陶山詩前錄卷上

九

取天下分羹置不顧轅登怨邱嫂頡羹彰所惡孝弟義
已衰力爭但貴富懿哉麟鳳仁梟獍亦悔悟繫我久客
遊甘脆違朝暮捧檄尚未能感此深孺慕

大堤曲

郎住襄水西妾住襄水東襄水日東流願郎常相逢隄
樹密如薺隄岸亘如虹期郎郎不至使我心忡忡郎心
寧見棄妾命未合通繡袿與譚髻難為時世容郎如念
妾來竚立芳蘭叢楨花香滿懷開袖寄東風

潛江舟中

漢水支流勢盡降清溪綠樹是潛江桔槔連岸催鉦鼓

槎柵橫灘接石砭薄靄受風平水面晚涼和月到船窓
長年知我歸程急理楫中宵駕一艤

嘉魚舟中

雨後添新漲江寒透短衫晚風吹急浪返照上孤帆磯
沒頻移簾湍奔輒破巖扣舷聊自和遠岸月初銜

風阻茅步夾

打槳過石頭江平波漱澗山容媚新雨林樾浸江面方
苦舟行遲又訝風勢變當頭浪聲雄隔岸雲葉颭我來
趨晨昏心迫欲乘傳買棹入江皋僂指近鄉縣却與三
老愁未趁五兩便收纜泊夾浦兀坐增旬線遙看下水

船帆檣急如箭

陶山詩前錄卷上

十

湘陰道中

昨宵新雨水平塘竹埤松林五月涼行到小溪過短狹
午風輕送稻花香

將至長沙贈同行羅湘洲全年

湘洲名廷
彥衡山人

結言敦夙好氣誼久倍篤歸程愜素期攜手忘榮辱君
行計五偕我客麥八熟蕭然出春明風塵走碌碌暮沙
自引車曉渡親執扑相對塵積面無語愁滿腹馬竭纜
移舟風滯輒登陸烈日傘欲燃與人汗如沃相將五十
里里門始可矚各遂倚閭思敢言辛苦足醞釀君沖沖

疎慵我粥粥風雨日連床資益可更僕志業難強同冥
鴻與飛鵠車笠不足盟盟深在幽獨

到家

肩輿入長沙親故寡所識道左問新居山塗足攀陟日
西過姊門虹飛雲如墨前行轉隈坳欲避風雨逼松杉
雜蔚蔚水竹護崩岸池邊小徑開吾翁倚門闕登堂拜
家慶未語淚沾臆愛子反慰撫呼孫急來即自歎旅遊
初奮志不家食數載空歸來兒讀女能織仰視堂構成
將落媿不殖榮貴非可期惟有事力穡

自題拜慶山房

陶山詩前錄卷上

十一

日余別高堂田廬尚依舊歸來歷七春新遷愈僻陋老
親漸衰頽癡兒苦句讀所幸長病愁尚能聚老幼夢生
西堂草方種南山豆滿架餘縹緗數椽闢圭竇蕉深護
雨林竹密抱雲岫清風時一來為我消永晝顧我念析
薪何以副丕構感茲致洗腆謹用誌中雷

即事

生長在里門弱冠即遠駕親戚半疎違況乃易桑柘茲
從久客歸因欲營祀經弟兄聞我來歡集趁休夏鄰里
聞我來攜酒相慰藉六親聞我來遠近紛招迓我本媿
三釜榆裙滌子舍醜顏對朋儔石田荒墨稼樹巔雞鳴

午巷口犬吠夜身世識所歸逢人問米價

禱嶽途中作

曉行入山路寒煙結千縷微旭閣重陰欲雨不得雨山
斷見平田林深得花鵲遠迤巖谷中迎人問岫樓我來
非曠遊默禱已僂僂風起宿霧開羣峰一一吐

登南嶽祝融峰

炎精貫注出蒼冥顛骨嶙峋表赤靈青玉壇邊橫半壁
朱陵臺上闢重扃騰騰光欲爭鶉火冉冉煙霞落洞庭
獨拄穹顛暗搔首晚風聊與酌湘醪

禹碑

陶山詩前錄卷上

十二

近人不識籀與篆蟲文鳥跡安可辨偶然遇之妄生疑
或且彊作雕龍辯大禹五馬祝融峯赤繡蒼水天神遣
授以金簡玉字書力灑沈蓄致清晏當時惟禹省其文
朱虎熊羆勞披展南嶽四千一十丈仍以宛委事雕琢
山騰水涌龍畫分雷回雲紘螺書扁鞭笞蜩蝻走彷徨
呵護不許蝕野燹覆釜空同失遺碣廬山漫誌余乃攬
於鑠皇古獨此碑嘉定以來理終顯上追陽虛之丹甲
婢視竊鼎與紀獻崑下少年飛颺去陋儒以意相推衍
誰歟置身如后菊承帝曰嗟義粗淺我來更欲重箋釋
自慙謏瞽空別蘚象物已淪此義荒何人編輯入謨典

秋齋雜述四首

澗繞峰環樹影團幽棲頗稱一枝安雨疎叢荻魚標斷
雲護清溪鶴柵窅白塹和泥新掃壁紫皺駭栗輒堆盤
飄零書劍聊收拾時侍鳩筇仔細看
深林屋角帶晴煙散步墻陰意斐然丹桂最宜端正月
黃華長是義熙年枝頭噪雀賡樵唱村外呼鷹破鴨眠
報道重陽新釀熟捧觴攜幼列長筵

人生真是挂星槎須擇溪山艤檠牙松粒受風侵帽側
桐陰銜照入簾斜落泥歸燕猶留壘收蜜殘蜂已散衙
却掃自安鳩計拙門封龜網辟盤蝸

陶山詩前錄卷上

十三

飈館輕霜颯已淒獨攀石廩與雲齊聲連遠浦長空鴈
曙徹穹顛午夜雞漁艇唱迴湘水曲吟筇看盡楚山低
昔年攜手云亭客知在晴江濯錦西

寄星

山居秋興四首

地僻長無事山深覺早寒茗旗開白甌橘刺綴黃團新
霽忙乘屋斜陽愛倚欄此中幽興足不復問彈冠
每侍紅藤杖隨行紫蓋山試橋泉落澗掃石薜留斑偶
遇鄰翁話頻先暮鳥還一樽禁索莫何以慰顏顏
門外溪山迴丹楓惹夕暉柯樵雲亂響驚鷺水斜飛未
把青絲鞵長依白板扉耕縻占秋隴時為荷鋤歸

劇冷頻聞雁餘溫或見蛟蕉聲和石溜竹影失溪雲落葉清於雨深林絳欲焚遠香山果熟登案配芳芸

發長沙舟中別弟

乙巳

為銜親命白雲東買棹湘干祖席同姜被難分將曉月顧帆已飽乍晴風莫從子舍傷離索應憶孤樹望鬱蔥

陶山菊有鬱蔥山

昨夜歸期曾共數此心不負小山叢

柳枝歎

念我昨出門送者自崖反其時折柳贈枝頭纔著眼行行今幾日春光已無限驛路與野橋垂綫相組綰天桃爛欲然穠李靚如浣更當經幾時芳徑絮飛糝長條拂金堤織梭聽睨睨又當經幾時髡禿鴉棲晚人生苦奔馳日月珠走阪既無安樂緣何傷長顙領獨懷倚閭人時物日增感

鹿邑道中

春晚猛著霜霧濃不見手行人卜晴多農夫待雨久來年橫東臯耕縻亂南畝馬鬃鬐點滴鰒鰒轍乞升斗荒村風捲屋逸車牛絕紐老嫗鬪根荑姪女鉤柔柳遊客方北上遷毗或南走相逢話黃髮並坐烹綠韭莫歎行路難且歌將進酒

望泰山

去年躡屐上衡山，幾日拚舟出楚關。却笑故山翻似客，短筇仍拄岱雲間。

清明日登陶山展墓四首

夢繞三千里來經廿四風，淒然岡隴上醺酒。醉空濛孤塚存，封鬣浮生歎轉蓬。艱難伸拜掃來去輒匆匆，細草生山色輕陰落杏花。少游無大志子厚倍思家，巢室慙歸燕銜枝。慕乳鴉紙錢飛未盡，惆悵夕陽斜。何人剪草萊樵徑，墓門開幕雨棠梨。發崖風蝙蝠迴石殘碁，剩局雲密樹生苔。絕憶重泉路空餘舊荻灰。

澗北山南路村籬帶晚煙，欲為聯社客恨乏買山錢。同

陶山詩前錄卷上

十五

姓能收族相資為置田，從茲樹松柏何日表新阡。

上巳日諸子邀遊王母池禊飲

楔潭何處春色占瑤池，一鑑含翠漱湫委窮源自蓬萊。綠淨魚懸石深塹，同屣踏青臨清流疑見水。心人捧劍濯巾當風信，所適聲確翫殊未厭攀葛愛摘山花紅。傳杯漸覺村釀醺，閑雲幾簇披晴峰。飛鳥數聲驚落艷，欲學參軍賦蠻語頗類茂先談。漢槩幸逢雅集諸君賢，樂我相長一日僭。醉餘憑眺闢前軒，草滿江南增遠念。

陶山詩前錄卷上

陶山詩前錄卷下

善化 唐仲冕 六枳

古近體詩六十五首

竹雨東任春帆太守

春帆名溥
宛平人

駭空驅風來小竹力支亞初疑雲影落瞥見電光射少
頃雨如豆瑟瑟紛傾瀉洗柯雷接檐垂葉低入舍連朝
苦煆蒸兀坐思水榭此君不受暑亦復鬱燔炙忽開甘
露門恍縱青窠葩碎玉聲初聞跳珠來何乍澎湃久稍
歇浙漚渾未罷從茲引清虛頗可消炎夏使君矢精誠
昨向天歎借知當策紫馬憑高覘秋稼會陪賓朋驛有
酒不須貰且看綠滿窓寒碧任枕藉

陶山詩前錄卷下

獨坐竹間三首

初來岱宗祠遙見過牆竹湫隘不容車數竿倚老屋因
之寄襍被相期幾信宿晨夕對寂寥筍芽忽滿目縱橫
上幾番漸成篋簾谷感君慰薦意留滯轉寒燠但得樽
不空何妨俎無肉

落落宵鐘遠蕭蕭夜窓幽銜杯看月落欲語無朋儔起
步碧蘚階孤懷伴清脩乘酣拂枕簟夢向青霄遊羣仙
相揖讓連翩驂翠虬時聞雜佩響采庸和華由歸昌奏
奇律長嘯開吟眸魂清聽未厭驟雨滿梢頭

泰山足蘊毓結根有叢篁時引日觀雲護茲翠琳琅青
鸞雲中下棲集何軒昂啾啾燕雀羣腐鼠資稻粱莫道
浮筠斡結實終茫茫雲深清籟發逸韻諧笙簧聊堪愜
幽屏豈必愁飢腸

立秋日晚眺

溽暑消殘雨清秋入晚風淡煙原外綠斜日樹巔紅擣
帛聲先至簪楸興未窮却驚飄一葉旅思逼疎桐

別竹

君本清介姿宜共雲藏岫顧我未免俗適與君邂逅初
看枝葉疎旋見落筍透力為護擇龍嵐帚掃晴晝雨晨

陶山詩前錄卷下

與月夕悠然伴寒瘦君既無差池我亦忘謏陋銜杯蘸

晚風吟句侵曉漏如遇東南美不問雙隻堦迴憶客岱

初月律裁太簇勾留至木脫情親尚如舊忽驚涼颼起

颯颯滿圭竇來朝促分張相對滋怡愁因思逐征鴻漸

遠恊占

絲今春端策詹行遇漸之謙

知君耐幽獨無輕結蘭臭何須

報網維神交誼彌厚

睡燕二首

鳥信風過玳瑁檐樓邊頓息語貼貼銜殘杏雨眠初熟
倦繞梨雲夢亦恬春靜游絲輕裊院晝長銀蒜半垂簾
風光自是堪消遣非為塵勞事黑甜

隔年門戶又從新香壘初成自在身閣下繡奩輕放剪
階前綠草自成茵三更謝豹啼應歇一隊春駒夢有因
幾片落花聞喚起紅襟乍醒趁芳辰

曉發平原

歲暮無端作遠遊送人雙屐出齊州買絲欲繡佳公子
破陣權呼惡督郵茆屋數間寒月動荒隄一道曉煙浮
因人錄錄長如此莫歎深霜滿敝裘

宿長新店

時除夕
前一日

更問桑乾渡方聽臘鼓傳棲鴉曉落照征馬亂寒煙日
近由旬路春歸尺五天歲華容易度潦倒又經年

陶山詩前錄卷下

三

咏馬二首

丙午

良驥負鹽車喘汗太行阪道逢孫陽來長鳴出絕轡倘
非乘旦材顧且安偃蹇材矣遇非人且耐前被晚踪進
不自惜一出弗可返嵩邱價難酬天外事荒遠泰丙會
可逢莫妄効婉婉
茸茸野草肥瀏瀏溪水漾飲齧時翹足一朝飾錦障多
因慕儀臺未得騁個儻衡扼加月題廼為介閨狀繼之
以刻雖逸志竟誰亮不如飲醴泉飲禾玉山上與其編
阜棧羈轡惟所向

聞黃一吾秀才客死餘杭詩以哭之

天上玉樓成必召奇才為作記何如弗令來塵凡免使
倉皇中道棄黃子才如李昌谷苦探奚囊便腹筍憶昔
聯床論文史如子海內不三四尊甫方守北門鑰賢昆
並躍千里驥詎知人事驟變更坐令久戢摩天翅一自
別薊門十載如夢寐前年買榜歸湖湘更驚著作淮南
字方期爾我尚少年良會他時好相值匆匆飢驅出燕
齊落落行踪倍蕉萃時從風雨撫幽琴天際真人若可
跂偶逢舊銀鹿輒問近所事云子遊餘杭委頓釵下利
阿嬖宦前候炊黍大阮床頭調藥餌吁嗟玉折蘭委地
我乍聞之心悲慄如此人曾不四十豈造物小兒忌

陶山詩前錄卷下

四

況喪其足如遺土尊足者存今安寄孤山梅平湖芰三
休亭五雲寺魂兮往來自與香山昭諫和靖端明共游
戲知子氣若錢唐潮愁我情深雍門淚世路幾人能知
心終古無緣重把臂吁嗟黃子今已矣何年歸襯瀉山
埭何年酌墓灸雞漬急語親故檢遺橐莫使妬才投溷
廁

遊南頂

豐宜郭外雨初晴綠樹濃煙一望平絕愛溪邊同水榭
却從隄上擬山行長橋獵獵垂帘影兩岸嘈嘈度曲聲
直到日斜人半散涼風猶為佐飛觥

雜體二首

古鏡含輝瑩妍蚩無匿貌迴如燭龍銜豈慮疲屢照但
恐日空懸塵埃積不埽況以入妝奩相褻等玩好不如
韜其光玉匣韞清耀一朝置秦臺羣邪不敢到

有客餽五絲出自九子紡可以絃綺琴可以綴錦幌理
之亂如麻繡綰焚在掌因思取刀斷此意亦鹵莽尋緒
得其端一絲已盈丈從此絲復絲了如抽繭盎

贈戴紫垣太史

紫垣名聯
奎如舉人

昔年同舉士二百君領解相揖桐人中志趣各超邁羣
公騰而上君亦挹沆瀣獨我如子雁邇風毛羽鍛因茲

陶山詩前錄卷下

五

日歛跡引身謝貴介豈慙區區名所學實湫隘今年促
入都為了科場債客館雜苓通童課苦桎械夜榻卧冰
鐵朝餐勸饍餽對衡適逢君一見攄宿快追維十數年
始得樂情話雅不棄疎慵更許登堂拜過從隨朝昏言
語無畛界有時說文章亦或談神怪有時互揄揚亦嘗
寓規戒書我座右箴筆法勒金薤茗柯有實理媿我殊
秕稗示我消寒圖竹深如擁解松濤與流泉如聞響澎
湃芙蕖開錯落幽襟清聲歛煩蒸一展閱喝病豁然瘥
矧此身外榮胸中曾不芥人生貴適意清曠推廣玠陰
陽為桴炭造化為鼓鞀升沉亦何常此志無少懈惟當

恆素心高歌聽秋噫

送張鶴泉明府之任甘肅

鶴泉名世法湘潭人

老驥蹀千里千里乃見驥昆銛切良玉切玉別利器屈
驥在置郵枉劍使芟穉豈不優為之駕鈍無難易
朝廷重守宰宰尤親民吏士夫掇科甲即以名待次往
往田間來輒與利祿覲得闕問肥瘠未遑求吏治除書
近塞徼氣索不能寐識者庸其材何待鐔與轡先生成
進士撥煩已再試守銓又二年擁書欲漫刺使相控邊
陲請簡能者四先生趨應命即日戒行騎且為同輩言
彼邑昔曾泣

陶山詩前錄卷下

六

聖恩挾風霆大蒙皆廣被崑崙數萬里一如依輦蹕民
情無遐邇惟在勤撫字所不足者財儒素豈當議縱令
官齊吳何渠務厚積居官能讓夷從事或盡瘁矧茲無
平陂其敢憚勞勩我讀先生文清高氣冲邃如此益歎
服恢恢有餘地孫陽與薛燭俊品不輕棄惜我困鹽車
當歸無遠志鋤刀未堪割為誰復壘鼻朔颺攪寒雲此
別逾顛顚

南歸紀行襍詩十八首

丁未

獨灑春暉淚存亡十八年

余生十八歲吾母見背今又十八年矣

一杯寒

絕嶺雙足繭荒煙但免侵樵牧何期表壘阡幾時躬秉

未此地足林泉

蓬轉真難定萍浮會有邊隻輪辭故轍一葉向長川小

泊朝乘牖高歌夜扣舷蘭陵連碣澤酤酒罄囊錢

由嶧縣臺

莊買舟入徐

丈夫苟失志誰復哀王孫不受娥姁禍安知漂母恩小

橋通野市

淮上有胯下橋

遙早敞高原國士空銷歇啼烏滿故

邨

雕闌聯繡舸虎氣隱青山烈士岡頭草名娃鏡裏顏臺

傳游塵古石笑聽經頑見說吳趨樂羈愁未許刪

虎邱

不對清波迴那知暑氣除隔橋開紺殿映舫發紅蕖百

陶山詩前錄卷下

七

頃平無際雙峰畫莫如牽舩謀小住歸思迫湘漁

西湖

莫恠臨江釣荒臺竦百尋欲垂貪餌戒故示潔清心縱

有絲綸遠其如薜荔深希文表祠宇出處亦同襟

釣臺

百丈牽仍緩三衢路正舒衝煙分宿鷺緣澗數游魚水

入機舂急仙歸洞口虛定山雲潑墨應是雨來初

衢州

為避風波險偏愁磬確行小窻貪樹色孤枕怯灘聲潘

鬢驚初見張舩計未成鄉關二千里昨夜夢江城

行李裁料理扁舟復駕輕豫章初入界廬阜遠相迎峰

嶸參差見雲霞遠近明羈遊未羣陟空望逐行程

危嶠雲封盡深林雨到齊鼓橈奔遠岸剗榜倚平溪乍

渥耕黃犢新晴挂紫蜺涼颼掃殘暑秋氣已清凄
暮雲疾歸峽平楚擁柴轅水鳥親牛背泥蛙集稻孫叢
祠篝有火煙箐密無門負米長違顛秋風動客魂

秋江津岸濶午夜斗牛高變化已神物奔騰猶怒濤青
萍莫相識紫氣亦空豪何處求遺跡孤舟欲自操

豐城

山邑城低屋江濱筏作橋白雲藏鷺渚紅蓼截魚標散
牧秋牛逸橫空野鶴遙人生自閒適早赴桂叢招

新喻縣

阻淺檣烏落登程社燕迴危橋緣樹上急雨過山來晚
稻猶能熟巖花亦小顏疎風釀蘆雪溪畔已喧喧

蘆溪道中

斷崖停小屐細雨上輕艘客下鉤朝淚鄉傳欸乃腔衝

陶山詩前錄卷下

八

風翻鴨柵宿霧點漁缸難竹前邨晚平橋駕淥江
飲濤丸走阪擊汰傳乘郵莫倚隨波快因忘上瀨愁晚

萍鄉登舟

煙濃欲雨山澗碧於油僮僕言旋喜看雲數驛樓

夜半風初定湘干路未諳披衣看碧漢繫纜到昭潭火
伴揚帆別親知握手談維桑必敬止猶念倚江楠

弱冠懷書策飄零直至今燕齊多去住吳越費謳吟曉
露猗蘭茂秋雲綠竹深也知生理拙息影愛長林

遷家

辛亥

吾家素頗裕先子以宦貧遺書十餘篋零落手澤存年
來益嬰疲弗荷媿析薪棄基忽已再況甯光門軒窳黔

輒變易席煖還他遷本無治生策安望良田園本無大

壯材安望美負輪得此硤确地邱壑堪盤桓圭簞雖粗

畧尚稱容膝安卜宅兆履坦考祥叶其旋卜居遇履之隨故云蝸

寄既有托鳩拙宜自閑幸逢隆冬霽傭僦來欣欣巾箱

塞路至宴數當門陳冀除置木榻屈足聞香芸雖愚未

能讀對客誇家珍因之愛吾廬欲以傳子孫客言子有

志不願守邱樊天衢方蕩蕩盍奮凌風翰豈知鷦鷯志

巢林一枝間昔時陋巷子不求仕為官郭外五十畝郭

內十畝田簞瓢既足給更得孔鑄顏今我所不樂蹉跎

負經傳正恐衣食薄未克矢勿諼不然生有涯華臙何

陶山詩前錄卷下

九

復云終當手一卷遠徑栽松筠

山居述志三首

捧卷不能讀窮天長在心三春游子夢一枕病翁吟頗

類周南滯如今牢木森愁聽風攪樹况復雨窻深

三載三移宅茲辰又履端比鄰新款洽遠膝強團團四

十正初度無聞聊自寬人生得閒適誰復慕高官

已端簷尹策粗就紫芝垣結屋原因樹看山輒倚軒課

兒親短檠運客話清樽却喜無車馬空齋早閉門

訪胡山人故居二首

卅年說劍憶清狂此日人琴惜並亡鬻鍔尚藏先輩匣

殘薇已失故人牀。曾陪衣羽邀真降。幾處攜瓢倩客嘗。
漫說神仙原不死。其如宿草徧山長。
水竹孤村號目連。蓬萊清淺見桑田。鄰翁話憶山中屐。
老嫗燒殘圯上編。護雨牽蘿開曲徑。樵雲煮茗汲春泉。
力勤稅薄堪長世。黃髮垂髫不計年。

石人行用工部石笋行韻

村裏石人高過門。裁冠大劍雙虎蹲。相傳頭上金銀積。
癡子摹想緘函痕。乃有貪夫貪且猛。槍雷椎擣莫敢論。
首墜於前失所望。其一既毀其一存。嗟哉俗情尚蒙蔽。
妄意存者尤貴尊。天公憑怒夜轟擊。祛愚豁疑大造恩。

陶山詩前錄卷下

十

獨憐墓中莊學士。當時寵賚官駁奔。百年翁仲遭殘缺。
沉匪金石埋山根。

小石人行用工部石犀行韻

嶺上浮屠擁衾卧。扣門聲厲如喘牛。問之云自山坡來。
啟戶但見星月流。凌晨下坡求未得。文豹吐霧蜃結樓。
東崦西崦齊呼異。得石男女宜薦羞。蒙頭拱手高三尺。
辱在泥塗幾春秋。迎來供養仙靈側。刑牲瀝血誇鬼謀。
愚夫頂頰祝普濟。砥柱不逐洪波逝。狂夫醉踞挈出門。
搜勃交加何佗傑。黠僧頓足呼紀綱。三疊三浴謝杳茫。

課栽松

壬子

繞屋山一圍坡陀可種樹買得小松孫三萬六千數乘
茲春發榮攜鍤朝至暮既經雨澍濡尤喜日暄煦短鬣
攢峭嶸直根築深固傭既藝植勤我亦來往屢因計二
寸長礫硤中尺度非惟十年期況恐恣蛙蠹憚勞速近
功將謂計乃誤豈知日荒蕪童山老煙霧栽培不見益
有時匠伯顧傳語驅牛羊慎毋越樊圃

樹柵門二首

吾兄形家言卯門宜向乙不能猝改張樹衡通入出欲
繚以周垣連月月離畢朝曦忽照檐風興先戒逸呼工
集楨幹築削勞來疾有時斧斤親加以樊柵密竹籬與

陶山詩前錄卷下

十一

柴扉雅稱環堵室荒畦僅如坪短牆栽及膝式遏觸藩
弭何來賀厦舫我雖困舟車性自愜蓬簞居自得之安
履其旋為吉豈在觀流泉拘忌到時日友愛不敢間謂
宜獲祿秩恐非朱門人枉勞青烏術

人言列重門足以資扞禦有子雖軟弱恃此可閉戶豈
知貧無財絕勝富商賈縱令無扃鑰亦得安寢處況包
周身防接物在和煦讓畔不失段設險自詒阻但能洽
鄰閭何憂恣雀鼠泛愛而親仁雜賓不待拒持已嚴其
閑綢繆局敢侮我質本疎慵磨礱就前矩忠信為棟楹
謙敬為翼宇開徑延直諒放心事行旅門闌既粗成培

植松菊野

社後一日蕭雲巢學博邀飲歸賦八韻却寄

雲巢名大

經同邑人

社酒新筵後招邀折簡催恐迷芳草路故遣竹輿來昨夜野塘雨滿林春桂開門前花蹙帽階畔履侵苔尊臾杉榆望賢郎杞梓材喜余親里閑與客話尊疊欲補良辰會多慚淺量陪笑聲斜日裏扶得醉人回

雜詩

尋置草堂地不減西枝村屋後陽岡暖老樹深盤根雜以衆芳林副之萊竹園其田足耕獲其山足柴薪及我

陶山詩前錄卷下

十一

移家來大樹伐無存小樹尚岑蔚芻蕘日爭喧新筍既蕩盡樵柯欲撒藩迂生學寬讓公然操斧斤稍稍施詿逐甚口反怒瞋改顏叩其故一夫前具陳男女十口家待我炊糲殮魁陵半童赭叢麓崇繚垣其人又強武折柳懼窺樊獨此易踰越來往如不聞所惜非茂密未堪翦伐頻君素曠無畛何忽噴有言願君買薪爨豈惟勿追奔我聞三歎息無業乃游民嗷嗷既多缺必非僅荆榛安得促就業樹植彌林原更無採樵禁處處宜卜隣

滯雨三首

雲去青山曉雲來白石滋蝶猶驚墜葉蟻輒上繁枝每

夜窺珠斗凌晨失赫曦江天苦梅潤莫作楚臺疑
床頭沾腳腮案上長蒲蘆何遽安高卧猶堪憇矮蘇乾
坤雙屐在風雨一瓢孤竹亞敲門急非闌過客呼
啟扉松嶂霧倚檻稻畦風偶出何所見漁人收釣筒鷗
來含南北樵去郭西東野菊苗初長蒙頭細剔蟲

葦塘勝吟

葦塘

山阿滙為塘行葦敷周岸霖霖連月深洄瀾浸麓漫草
色含淪濡晴光待朝旦豈惟草茅憂將為禾稼歎物薄
用何如秋繩芟無算藉以索綯乘且抵勞薪費踐履驅
牛羊芑體見稜幹泥泥葉已叢蒼蒼影欲亂弱植本易
生亦復賴雨暝風澤小有淪銜魚飛碧鸛

紀塘

上塘集滿流下塘承波委湍流易巖竭波委溢涯涘故
令環祀稹潛滋足耘耔吾鄉懲戍戍浚池廣瀦水但恐
動枯槔愛惜如醴醅今歲頗不然江漲四五起此雖不
患滂積雨永生耳豚蹄祝滿篝村鼓漸禳祀返照來柴
門病夫亦驚喜啟扉越溝塍溪流一向駛翠剡濃黏天
信步二三里

果克山房

克已如克敵克盡在致果不果不能克不克行乃墮首
吾有先正二義分宥坐小子忝所生蓬心集偷惰聞道
訖無成豈憂際輒軻彛訓浸遺忘重任怯負荷勤之堂
與齋昕夕能糾我終身落坑穽一日行尅尅腕斷蝮蛇
傷軀還馬草裹前者既先登胡自困么麼

旋元个

水中魚遶石架上螳旋磨大專無停機人焉得安坐易
為君子謀視履嚴督課考德于燕私堅志在窮餓此屋
無廳堂寘饋宜此个一飯未敢忘客至謁吾過

牡丹鵲

陶山詩前錄卷下

十四

編竹為短籬中栽木芍藥下培四三株俯仰欣有托穀
雨十日花已苞明年萼葉如離婁成千百非一格此亦
奚足珍手澤感索寞其陽面山齋其陰倚邵畧竹樹護
窈窕琴書味荃葯木榻移幽窻烏聲度虛壑

苦儲崖

有木如杉柏經冬不離披其材非服耜斫檀先椽檻結
實味蜚口粉之為黎祁崖背屏嶽麓大江襟其西賴此
扶疎饒望與青雲齊惜哉合抱者翦伐餘孫枝尚堪垂
樾蔭松竹相參差謾謾風雨來深夜聞子規

苴軒

柴門勝無門附之以土直其高不及蓋其大不容車既
無長者轍聊取稱吾廬夕陽度前溪田夫方荷鋤我時
抱兒出倚軒話禾蔬晚風送涼至欲坐即騎閤遙聞上
闕鼓帶月來徐徐

松房別墅

山口千株松三鬣或五鬣草屋六七間藏巖覆松葉招
得田家居雞犬聲相接驅犢飲流泉卧犁噲春盃松花
黃粉湯松枝綠釵捻綬房如木瓜清潤含細摺圻霜歡
兒童呼鴨戲唼喋落實畦萌芽移栽風狎獵閒與鄰叟
看坐遺蒲葵簞

陶山詩前錄卷下

十五

田首遂

田首舊橫溝傍山未疏導我欲治廣深洩宣無壅滯既
非逆地防可以周隈隩遂為均水法鄰畛滋數耗為澤
固無多如雨亦常膏若令行一方同井息陵暴往余游
齊梁沃壤平如埽恒暘昏塵霾溽暑沒井竈李翟古稱
能手實在渠漕地利尚有遺民力何能勞我景東里賢
封洫首發號三年田疇豐誰嗣興頌禱小水入大川渚
寫便耕鑿南東順從衡不逆輿情好量力抵賦租分治
得餉犒師古師其意緬懷克允蹈

題索綽羅煦齋庶常秋燈伴讀圖

煦齋名英

北

讀書如治絲寸累積尋丈讀書如繡希五采紛在掌煦
齋敏好學始則凍而紡繼且朱綠之黼黻足觀象同日
歌霓裳麗官媿藥榜君擁飛霞珮層霄立可上迺出秋
鐙圖告余以疇曩六齡就外傳經籍誦高朗八齡通句
律十齡解寄象十三善騎射豪情慕個儻先人督責嚴
折節事誠謹每從溫清餘佔畢開書幌晝間提瓮人短
檠篝對棧洛詠逾夜分佐之鍼剪響天吳紫鳳成問安
當昧爽今雖獲一第壯堂慰鞠養迴思燕翼恩春秋愴
貯蠻先生志斯幘以規勿以獎余聞三太息君方抽繭
盎七襄成報章樂羊志彌廣況承母訓勞退直捧匣杖

陶山詩前錄卷下

十六

題周希甫舍人放鴨圖

希甫名有聲長沙人

我家湘西君湘東陂塘十里春溶溶同心不作比隣住
可憐又促浮家去憶曾合併在京華十二年來天一涯
握手春明當落日江鄉風景話周遮話到衡門小竹逕
因思石澗新蒲芽最熹屋角下蘚色牆根斜坐看兒童
開鴨柵持竿咬咬落汀沙短鉤橫砌曲復曲夜來溪雨
漲生渌花裏泥翻鴨掌紅柳陰波靦鴨頭綠人生樂事
豈在大徬溪編籬軼埃壙索米囊錢苦受戰坐令煙波
之遊空入畫君猶滯跡鳳皇池我更懷慙鷓鴣隊桃花
岸竹枝弓何時同社笑言同湖畔秧畦粘天發操艇莫

待陶嘉月

潞河舟中別謝薌泉編脩

薌泉名振定湘鄉人

憶昨邀遊尺五園竹中行饌接芳樽城南景物堪憑檻

江左人材早及門

君曾典試江南

錢席羣公留別思涼風三日

謝餘暄與君枕藉舟中白河岸已聞車馬喧

毘陵舟中

一枕困撓聲披衣霽色明水迴橋影折雲度塢光橫間

釣叟魚性奉帘識酒名最憐清滿眼竹樹出重城

代題馮吳齋太守秋釭補讀圖

吳齋名鼎高福建人

讀書貴能用無用奚貴讀用其所有餘讀乃見不足襟

陶山詩前錄卷下

十七

腸五千卷經手三萬軸自號工詞章其實一書簏抑或

棄短繁綺堂燦珠玉頗與書為仇何論虛若谷古人博

通經定策蔽疑獄所以學道人勤於暮炳燭太守撥煩

才屢登第一牘自視猶欲然追懷舊釐粥謂吳財賦強

何以慎羸縮謂吳文藻盛何以表風俗相與講庶政廣

思切褻曲晚涼入疎桐暝色護深竹退食秋樹根梯几

青燈屋少年洛生詠豈必誇熟復補之又補之此事無

斷續看君夜氣清晴虹照眉目

陶山詩前錄卷下

嘉慶辛未長至月

露蟬吟詞鈔

崇川酌民言堂藏板

露蟬吟詞序

古有唾地而成文三篇計日而就賦十藝者莫不驚其速藻羨爲袖口然當弓燥手柔之會輔以風馳雨驟之才又皆因事究奇順途騁節故能自成機杼無假鑪鞴若夫詞者旣限之長短復拘以聲律片言未協則病其啞鐘隻字勿諧則譏同濕鼓故必選勝以定質蕩滓以澄音而後宛轉入情案衍式度蓋閭嫺之產非繒爲纂繹不能見其娥嬺也般輸之巧非漸乎矩鑿不能美其輪奐也陶山先生強臺獨登古瑟自奏振衣靈嶽則層雲盪冒掉臂文場亦老吏斷獄故當剖經抉史潤古雕

吳序

一

今方將窮宙合以求源軋霄嶂而聳論而謂斂心綺語降志笛家匪特不爲抑亦未暇乃自黃河遠上燕市重來數楊柳之年華問鯉魚之消息賣漿之家已換貫酒之壚尚存往往井水傳今旗亭溯往遂有倚聲之作不無勞者之歌加以岷岵傷心松楸入望白雲千里青山一抔彌復愴惻欷歔徘徊瞻顧猿未晨而啼先發烏當夜而曲尤哀此則歐公表阡右軍誓墓殆有同焉其深情之託則如此其至性之發則如彼宜其盡斐凡豔特擅清空足以嗣小雅之正音而不失爲大晟之樂府也獨異其偷聲減字未肄乎管絃柳往雪來又局于期日

而巧思合綺健骨摩空竟從倚馬之餘得成載酒之集
見者遂驚猶鬼神焉不知召雲者龍命呂者律先生萬
流廣納八風棣通大而掌華蹈襄小而鏤塵吹影則分
其全量衍此餘波不過小試其別腸遂已若開平生面
要之藏山之業自有千秋活民之書利在當世此第文
人極致游戲神通僕豈敢以習制氏之鏗鏘而妄欲測
牙生之山水乎因其誣諉重以引伸以見其一藝之無
不精如此嘉慶辛未上巳同年錢唐吳錫麒撰

吳序

二

露蟬吟詞鈔

陶山 唐仲冕 六枳

齊天樂

露蟬

恢台早秉清涼氣消受炎腴滋味扇鼓爰熏峯生溽暑
獨占千林秋意天漿養爾正唐甕頻頒漢盤初賜一飽
何爲五更吟帶曙煙起輕颺逐音並吹聽殘枝乍曳
清韻如墜范綬冠綉貂垂藻采別有心情如水塵襟頓
洗看鬢影黏雲蛻痕凝翠露白葭蒼翦冰箋遠寄

滿路花

發金陵

艾旗猶在戶昨日是端陽看飛鳧競渡徧南江畫船簫

露蟬吟詞鈔

一

鼓獨上北行杭照眼榴花豔滿汎蒲觴兒孫羅列成行
解維揮手帆席待風張但留清簟夢在瀟湘吳松鱸
膾飽食豈還鄉此日朝天去又自迴翔閒鷗應笑人忙

青鵲漁歌子

利市銀鱗飛入城沿江漁鼓亂潮聲紅校打碧簪簪釣
絲垂雨一痕青

滿江紅

黃天蕩

天塹長江到此處波瀾浩淼想宋室遷明播越金兵直
搗幸賴蘄王邀一戰頓教勅敵都驚擾縱鑿河道去未
成禽功非小那便把三吳沼那便踏六朝草到後來

更有書生能保采石磯邊摧巨寇千年陳跡今如掃笑
扁舟猶自怯風波頻移棹

又一闋

淮陰釣臺

蟻屈淮陰漁洲上閒弄風月總被那市橋出胯英才激
發臺壁坐來期拜將綸竿把處思持節到烏江釣得大
長鯨真人傑先投餌蕭何說後投餌陳平躡待吞鉤
自斃鳥藏弓絕國士無雙空入網王孫一飯誰能活却
全輪老子擁羊裘寒江雪

浣紗溪

舟行晚眺

一鳥衝煙立短檣遠林如畫入斜陽趁墟人散渡船忙
露蟬吟詞鈔

二

何處歸帆風送客波閒明月逗輕涼菰蘆隱隱見漁
莊

百字令

王營渡河

大河東下挾來數萬里魚龍沙石袁浦西邊只剩得桃
汛波濤幾尺清水低平黃流倒漾漕運籌通關平江雖
遠至今尚有遺迹迴想屢上春明公車經過後宦遊
千役楊柳渡頭停轍處津吏如同舊識斷岸斜陽洪波
難照見短髯衰白紅塵初軋一鞭迴指江驛

行香子

壁間有留幾分心退一步想因發明之

柱促繁音樹繞驚禽莫張皇仔細推尋宴安酖毒枉費

沉吟用幾行書幾番話幾分心
利域名場捷足如林
猛前行禍患來侵不如迴想自適胸襟勝一邊
卅一頭
進一重深

浣紗溪

和壁間韻

昨夜漁燈對織簾
晚風吹雨破鷗眠
新荷輕漾露珠圓
上道紫騮塵乍起
望雲紅笠影先偏
幾時歸櫂五湖船

又一闕

不到黃昏便下簾
東風無意管花眠
苔錢箇箇上階圓
未肯奚囊隨小騎
自添爐篆立西偏
秋風幾日送歸船

露蟬吟詞鈔

三

船

搗練子

紗霧澹篆煙微
昨夢分明在枕幃
捲起湘紋尋不見
曉雲橫壓翠娥低

卜算子

紅花埠

滿眼見紅塵
不見花紅處
本是綠肥紅瘦天
又別江南路
樹底覓殘紅
老眼花如霧
識趣油車滿載花
知隔鄰牆住

點絳脣

曉發

月挂林梢塵途暑氣消
清曉擁衾登道邨
店雞聲小

五月輕寒瘦骨嫌衣少眞堪笑暮齡斜照猶促輪蹄早

天仙子

傾蓋亭

郊子遺封雲鬣綠樹陰濃如擁蓋高車駟馬幾經過
停驂待班荆在空谷同心聞警歎白頭如新眞世態
車笠盟寒嫌襦櫪行人仔細問郵亭投綰帶聯金轡攜
手相將登泰岱

唐多令

渡沂水

清浦夜停楂紅雲日擁車見波流風滿津涯縱未解衣
親一浴眼明處滌塵沙曉色湧朝霞人聲起宿鴉共
褰裳淺浪橫斜記得洪濤通海溼前山郭是瑯琊

露蟬吟詞鈔

四

巫山一段雲

曉發書所見

寶髻梳雲早羅衫帶月明倩郎爲畫遠山青今日向山
行油壁車重閉雕鞍馬不驚騶人莫唱豔歌聲旅夢
未全醒

風蝶令

夏至道中

槐蔭千邨綠花開一文紅來牟割盡野雲空見說小年
一半去恁恁霧重陰初妬山深暑未濃棉衣尚爲早
涼重恰似寒蟬五月已嘶風

雙調南鄉子

朶莊逆旅

花影拂征衫黃四孃家喜駐驂坐倚陶窻窺蔣逕三三

爲客新澆水一觴
掩戶對香龕
雙飛飛繞屋南急
捲疎簾通乳燕
喃喃曉發憐渠夢正酣

浪淘沙

蒙陰道中

山鳥引人來樹影徘徊看山如畫淺深開但恐崎嶇山
徑窄上阪輪摧城郭隱崔嵬澗水縈迴蒙茶渴飲兩
三杯欲訪山翁何處覓門掩蒼苔

踏莎行

新甫道中

斷澗沙迴傾厓路轉濛濛曉霧遮山面行人五月欲披
裘入山深處寒暄變月落孤城雲封廢院闕宮古柏
今誰見隔林風送棗花香青帘遙指前邨店

蘇幕遮

羊流店見求雨者授以符法

露暉吟詞鈔

五

鮑老旗邨迓鼓古木叢祠是處求神雨曬麥要晴禾要
澍好訴天公曲體耕忙苦召阿香呼少女我有靈符
能使商羊舞馬上仙瓢容灑注行李登途那怕傾盆遽

一斛珠

杏子

綴林金果看花猶記芳筵坐時新上市堆千顆細揀勻
圓恐有鶯含破絕憶江南梅雨過顰蛾錯認香津唾
春衫拂拭疑紅墮輕擎瓊漿迸向櫻脣沍

小諾皋

過泰山

憑軾東來披襟北望峭壁參天而起仰丈人氣象巖巖

如逢色霽萬壑陰雲盡豁千尺丹梯斜倚欲登臨自媿
塵容未洗今日鞭絲前時展齒記暑天山腰小住恍入
清涼界裏此一別八年矣 弱冠隨行吟筇親捧俯視
齊州萬里更壯遊頻訪肩吾獨探宛委卅載青山依舊
素髮何堪照水况萱堂窅陶公故趾感切桐鄉悲深
陟屺縱三十二卷成書畢竟難爲人子樹欲靜風不止
滿江紅 塾台壁間次韻

泰岱頻登祇今番驅車竟度迴首望天門日觀山容如
故千載秦松猶磈砢五車漢石眞盤固歎人生別了舊
烟蘿須擔負 高山仰思攀附逋客怨聞猿訴問先生

露蟬吟詞鈔

六

去後幾何年數

土人因余前爲山長猶呼先生

長懷雲未遠舉此

豈忘生徒聚向長途老馬尚奔馳孫陽顧

又一闕

火繖懸空正亭午曦輪緩度得一陣清風披拂似人逢
故涼送前溪嫌浪淺陰垂老樹知根固若炎蒸移到
冬天暄堪負 迎龍伯神巫附槌社鼓眞靈訴願崇朝
徧雨活人無數灑道征夫除暑曷興苗田峻資生聚笑
豪奴突屢度清歌頻回顧

小桃紅

咏夾竹桃有感

袖倚幽篁翠腮暈丹榴醉露井穠開豔陽三月此花猶

未爲生來曾佩碧琅玕有林間風味 紅拭濤牋膩綠

墮湘簾碎一笑無言鬢絲禪榻早同泥絮感前遊重問
主人家似仙源難記

滿庭芳 早過平原

征馬無塵荒雞初唱夜色深護涼雲鬲津殘月依約閉
重闌風送輕寒拂面思沽飲邨釀微醺掀髯笑青州從
事須讓督郵尊 攜樽當一醉樓臺樹影邸第煙痕想
公子翩翩食客千人堪恨邯鄲被困無一士能抑强秦
空辜負樓頭揮劍杜宇泣芳魂

臨江仙

德州晚行遇雨

露蟬吟詞鈔

七

東道平津情惓惓停杯揮手殘霞河魚欲落渡頭譁電
鞭催小騎雨陣驟征車 旅店符簷風策策移牀跳出
蝦蟆一肩行李羨棲鴉坐眠依竹轡歸夢入江艤

金縷曲

風度靈和殿是何人移向郵亭和煙栽徧萬縷黃金輕
贈別記得香紅尚軟正落絮飛花如霰不是東風逢舊
識肯迎眸細舞腰支顫眉一抹遠山見 鞭絲依舊年
華變去還來重勞相送尚垂青眼笑指道旁攀折處誰
拊章臺便面且試問飄帘邨店踈地柔條能綰客甚黃
驄不就濃陰戀臨水際掠雙燕

一絡索

鄭州道中

十里塵沙如霧荒城古戍南燕北趙戰場空都變作名
場路 夾水長隄深樹橫舟無數買魚沽酒十三橋是

一半邗江渡

粉蝶兒

咏綠蜻蜓

百頃波如靛花浸漬深透染纖羅剪裁勻皺便翩翩幾
隊向浦蘆馳驟乍無踪飛入翠圍濃柳點渚煙凝蜩
蝶亂舞春晝奈時光綠肥紅瘦笑花間那得似鈎絲輕
逗好風吹也傷嫩藍衫袖

慶清朝

露蟬吟詞鈔

八

日下層城雲中雙闕閭門跌蕩宏開天閑廣收神駿萬
馬齊來任是鹽車蹇產幾番蹀躞向金臺風塵裏笑摸
瘦骨千里招徠登峻阪揮汗血祇今那須此戀棧非
材多因孫陽屢顧忘却駑駘自惜筋衰齒長嚙殘首痛
已成堆星光近重垂照耀生氣盈懷

摸魚兒

行篋書爲水所涇

笑書生愛書如友行藏必與書偶相攜數十餘年矣迢
遞山川奔走情耐久豈料被江神見如驚舟漏書涇且
透歎津逮無才瀾迴有願開卷不能讀真辜負忘却
青燈似豆尚思金印如斗奔波自合同書想誰信一樓

虛構

余寓金陵有懋書樓

常在手也應向滄浪濯清塵垢芸窗

依舊更檢點殘編料量長物黃嬾拂征袖

青玉案

初見一螢

牆陰雨濕蘼蕪透似見有燈如豆一點流光輕淺逗乍
來簾幙欲依衫袖還向屏山後晚風帶月初涼候小
草心情獨依舊竹院年時君記否撲將紈扇映當紗牖
曾照離人瘦

金縷曲

次韻汪浣雲秋柳鳴蟬圖

揮汗征衫濕憩柳陰鳴蜩聲送秋情何急一種蒼涼風
起處恨少幽毫描出聽遍了齊郵燕驛喜遇寫生黃荃

露蟬吟詞鈔

九

本捲疎簾便有清商入想玉露滿胸臆頭銜自署吟

寒客

自號露蟬

笑吾鄉悲秋宋玉頽唐可惜沆瀣飽餐塵壘

外響破煙痕山色也不管江南江北恁曳別枝殘照裏

倩疎桐么鳳齊飛翼

君又作梧蟬圖見示

看老樹有情碧

瀟湘逢故人慢

謁李文正公祠墓贈法時帆庶子

堂開懷麓方聯翩去國孤蹇忘家感傷淚如麻賴調護
旋轉卒翦鯨牙歸帆鈞艇望瀟湘故國煙霞歎天道子
文無後墓門何處啼鴉畏吾里殘碣碎問邨翁空聞
兩部鳴蛙幸再世西涯把宰木重栽祠宇增華薌泉漢
涌又疏井人往興嗟長安路薦申蘭芷恍遊天上長沙

玉山枕

玉延山館

碧茸初種護山骨寒雲凍白虹韞采蘋虬綴甲籬畔鷗
鋤帶月親擁紫芝黃獨采煙苗那得似竹畦深壅想東
坡閒和淵明摘園蔬愛淇川芳種延年風味詩龕供
下鹽豉分朝饗席間借箸評量節物纔弄錫簫便剝香
糗待題糕字笑劉郎也未敢醉吟豪縱一齊來玉版叅
禪更冰廚有金釐成甕

瑤臺第一層

題胡研農道裝紅梅小照

吹下天風瑤島客飛霞結佩重前身猶記羅浮夜月共
覓芳蹤一枝初入手插膽瓶滿座春融莫驚認是花栽

露蟬吟詞鈔

十

前度津問難通從容步虛聲裏五銖冠帔賦新宮晝
長清夢靜姝何處茜袖相從石牀安局腳駕綵霓仰見
騰空更誰來訪赤松丹桂玉顏重紅

臨江仙

次韻浣雲江上調琴畫簾

江南風景歸吟管煙痕尚夢憑欄記曾五月竹樓寒水
絃倚榻學君彈十指如椎兼簿領成連長望漫漫半
江翦取水雲閒涼風天末袖中看

臺城路

陶然亭眺雨

濕雲兼挾飛泉落俄頃暑埃齊掃折簡芳樽衝泥小騎
行入樹林深窈窕廳乍好便山郭冥濛水亭孤峭徙倚

危欄怕看蒲柳占秋早
東華香土又到問豪遊往蹟
舊雨多少瘦骨裝棉疎髯點雪贏得韶年私笑風塵易
老歎久負前盟幾行鷗鳥萬頃煙痕旅牕歸夢繞

邁陂塘

次韻浣雲憶軒雅集圖

到西涯小園瀟灑香龕晤對風雅聯吟勝侶徘徊處先
有絳雲飛下斟滿尊見被髮翩然曉日扶桑挂憑闌共
話怕竹樹生秋蘭觴敘別鴈字一行寫
雲林畫淡水
堪消長夏都忘魚鑰將夜三三兩兩庭階外貌得青門
白社猶未也待選石攜琴再約迎風榭塵車已駕料逸
韻重拈離弦乍鼓想到命軒者
軒名余所題

露蟬吟詞鈔

十一

南柯子

題胡研農夢遊圖

翠綰千絲霧紅圍百頃雲只留芳徑引吟魂聽得玉簫
聲度月黃昏
化蝶曹騰處騎鯨汗漫入梅花影裏認
前身記得覺來長樂曉鐘聞

侍香金童

詞名余所題

替算流年一半韶華弱似碧柳迎春初濯濯邂逅東風
如舊約旖旎柔情耐人尋索
愛瓊林小小迎眸光已
灼縱一串歌喉珠未落白苧裁衣先試著影對芙蓉也
纔含萼

聲聲慢

題鄧樵香春窗叢翠圖圖名取雙聲卷中
詩多用東坡一字體

鍵關不問春色如何忽聞幾樹鉤勒叫破曹騰洛生詠
起呻吟推窓一痕清胞倩濃煙染徧山樓凝望處見翠
鬟欲墜蒼靄難收
窗外重重疊疊稱雙聲複調慢轉
歌喉讀畫題詩不許急作吳謳自笑宮商謬病休文
上尾平頭指亭上似揚雄口吃吐鳳風流

眉嫵

潯雲全年爲畫我眉積雪石圖題以二絕句
因藥括其意爲此詞

笑天公畫就玉女眉痕螺黛還調粉恐有消融候先凝
結雲根攢出雙筍一拳萬仞供碧嶠排滿寒陣乍窺戶
月裏嫦娥老蹙顰如煙鬢黃鶴天然稿本更水晶寫
照深掩苔印看妙摹松雪香光後何人重掃塵坌米顛
逸韻却染成星靨霞暈好長伴山臞休把爪泥錯認

露蟬吟詞鈔

十三

三臺

都門留別

向金門仍踏曉月玉街乍懸秋雨正洗車碧漢瀉西樓
枕函上雙星潛度涼颺起一葉輕敲戶似片檄催人歸
去幾曾爲江上莼鱸早負却渚邊鷗鷺怕相逢辭壘
社燕笑我塵踪無住紫陌外人共柳蕭條只落得疎髯
如絮無端又往返長安路喜舊雨多年重遇選勝在竹
榭花亭開樽對晚風朝露忽幽蟬庭畔咽管盍簪座
中題句恁別愁已自滿天涯更何待寒鴉啼處從今便
養疴依老樹免再來空柱江賦夢歸鶴還繞金臺倩賓

鴻替傳箋素

又一闕

潞河登舟疊韻兼訓瀚雲

正衰年官況似水早秋別情如雨爲半生寄興滿江湖
愛帆席和鷗飛度循津岸欲叩漁莊戶趁打槳丁沽人
去泊新市楊柳穿魚訪舊跡葦蘆驚鷺記韶華衫舞
慄綠謬託粉榆曾住指水驛頻檣孝廉船早認取波萍
風絮尋三十八載重經路有幾個朋交能遇感宿夢落
屋孤蟾撫商調槭林寒露況晨星隨我照影暮雲促
君搜句畫角天病翼引微吟更吟到冰絃清處何時把
釣竿橫碧樹待共叅譌譜琴賦廣陵散曾寫丹青洛陽
塵莫嫌緇素

露蟬吟詞鈔

三

解蹀躞

登舟後馬仍陸行

金臺未逢市駿環軌空來往買舟聊赴川塗任游漾難
載千里權竒更須累爾霜蹠籬雲相望增懷想倩共
軟紅塵裏朱門叩深巷盍簪新賦驪駒尚怙悵美乘當
駕華軒者回蹀躞秋風便依仙仗

減字木蘭花

粉餇玉蘭片

欲餐花瓣玉潤蘭馨拈片片月影闌干錯認殘花不忍
餐小樓曾記手摘花枝簪寶髻誰把芳簪寄向西風
當點心

御街行 楊邨晚泊

孤邨落日千楊柳綠映水陰猶厚涼蟬一咽晚風疎纔
報道新秋時候棲鷗揀葉繫驄求蔭恁消息先知否

樹猶如此人依舊但短髮添絲又東門折贈到河津甚
惜別偏逢秋瘦漁燈屋角酒旗沙觜人立停橈後

水調歌頭

秋荷

秋水靚無滓秋月影仍懸幾經江上煙雨勻點小如錢
化作菱花清鏡擁出香莖翠蓋繁滿露珠圓浪濶護魚
躍翹鷺隔田田舞瓊帶搖絳裏門嬋娟別饒一種丰
韻長占水雲天說與西風知道莫便輕拋南浦心苦尚

露蟬吟詞鈔

十四

絲牽且製青霞佩和夢寄瑤仙

水龍吟

七月晦日津門舟中

萬艘逐秋齊來挂帆還向東南水垂楊兩岸棲鴉欲舞
竹維爭繫欄倚丁沽旆飄庚驛有人酣醉見雙魚尺素
催郎返棹荷塘外西風起可似江南風氣正孟蘭放
燈波際米鹽估客釵鈿羣隊定同游戲悄閣餘炎暗燈
初爇惱人無睡乍窺簾一道紅牆耿耿向天津指

婆羅門引

頻婆果

果叅禪味祇林枝上綠初肥染來煙翠成圍更倩薄霞
烘處一半上芳肌正天垂卵色略帶斜暉色香淡宜

捋雪腕浸冰匱却憶梨渦凍損頰暈多姿封緘遠寄要
鬆胞恰趁酒醒時饒玉液沁入心脾

摸魚兒

秋荷

記當時偶逢溪雨亭亭傾蓋相語開樽同把齊紈扇更
愛碧筒輕注風欲舞見幾隊霓裳霞佩來容與美人北
渚便自促揚舲載將香靄浩蕩逐雲去銀河裏翠葆
金支擁處凌波曾許微步采菱唱徹菱花鏡却說照人
如霧秋且曙猶剩得一杯珠瀉仙莖露早涼無暑試聽
鯉魚風寒塘瑟瑟煙月澹如許

乳燕飛

秋燕掠水

露蟬吟詞鈔

七

怎不歸飛速恁時光還將兩翦翦開寒淥落絮飄花覓
無處莫似窺魚屬玉料是趁輕涼新浴鴉背斜陽窗外
墜定教人盼望雕梁宿乍捲起湘紋感一年一度依
華屋算霜鐘社鼓將近返期先卜秋漲連天認歸路瘦
影翩躚可掬尚眷戀銜泥溪曲若遇照波橫雁字參差
貼水仔細讀春信到萬頃綠

釵頭鳳

春雲髻秋蘭袂瑤疏瑣闥通香氣鸞波矚琴心屬繡屏
先畫錦箋成幅讀讀讀櫻唇膩蠻腰細淡粧靚服情
難記樓懸玉堂難燭黛峰凝翠篆煙霏綠祝祝祝

霓裳中序第一

中秋新月

秋光一綫潔玉女冰壺蓋初揭原是瑤環未缺爲付與
雙星裁成半缺河津贈別逐素娥飛上銀闕纖纖手剖
開老蚌吐出細珠活清越霓裳新發正碧殿微舒畫
簾湘簾纔挂綺闌看淡掃長蛾笑迴斜睫鏡奩塵略拂
恰照我些些素髮婆娑影斧痕剛露計日滿香窟

齊天樂

舟中聞蟋蟀用姜白石韻

秋聲館外秋聲賦荒野待和誰語蠟化枯桑螢銷斷草
剛是孤舟停處深情細訴似未揭南箕又催東杼織錦
天孫乍聞也合理千緒疎篷訝聽急雨正煙迷翠幕

露蟬吟詞鈔

二六

風送霜杵玉軫無言松寮入定忘記邨更更數挑燈說
與莫跳入金盆戲娛游女若到朱門敝田間事苦

金菊對芙蓉

藍菊

田暖煙苗橋香露萼和泥挑上筠籃笑黃華節近尚著
青衫火雲開到金商晚挺勁姿不怕風尖記曾栽處山
如滴翠水正拖藍因憶采不盈簷任嫣紅姹紫羞上
華簪料東籬秋早嫩蕊初含載將野色歸來好却爲誰
瘦到江南碧天無際半奩霜影一角晴嵐

三臺令

晚照晚照何處落帆停權似風似雨齊來乍熱頻呼慢

開開幔開幔人立碧紗窻畔

又

秋夜秋夜病對燈缸易地蛩聲助我呻吟驟雨涼生短
衾衾短衾短雲外孤鴻夢斷
浪淘沙
秋入曉雲輕飛過簾旌西風吹送碧莎汀露壓荷葉傾
水面共掬金莖岸柳曳蟬聲曾聽流鶯一般聒耳兩
般情不分蓼花紅照眼白髮潛生

臨江仙

一枕瀟湘催午夢
榜人報道輕便窺窗飛鳥讓誰先片

露蟬吟詞鈔

七

帆低拍水兩岸疾於船
江上歸期君記否秋鴻又過
樓前箇人昨夜卜金錢幾番和月祝千里倩風傳

滿庭芳

韭花

落木新秋荒畦殘露賣菜聲帶花呼葉如蘭葉花又似
花鬚生帶三分辣性花香裏霜味先腴真消得詞題壺
臼金薤幾行書
春初記曾向雨中翦翠甕底採菹看
免葵燕麥開遍平蕪綠髮而今老矣更芳烈暖到寒廚
薑芽手和菘入饌細嚼伴冰壺

瑣窻寒

螢近燈青蟾分露白一船秋滿前宵尚熱輕葛又宜團

扇怪商飈冷逼曙袍欲按盡篋添絲絹記年時對月披襟攜手紫薇庭院 不管離人遠更鴈影橫長蟬吟淒短將歸燕子似戀舊巢餘暖待分將半臂貽來秋程不似春夜宴料黃昏門掩重簾暮砧催尺翦

滿江紅

平原和壁間韻

素髮紅塵問何事往返頻疊算生平壯不如人老懷空切宦跡都成蛇足畫歸心已向刀頭折記來時深柳乍鳴蜩蛩聲咽 督郵酒三杯別鬲津渡雙輪涉歎翩翩公子風流飄忽未脫囊中毛遂穎休誇車上馮煖鍊賣漿家欲覓向斜陽西山缺

露蟬吟詞鈔

六

高陽臺

平津館對月時中秋前二日

明月多情秋光無限幾時伴我孤舟舊雨高風相邀同住南樓安排翦燭西窗話早桂輪映徹紗幮正薰殘滿室芳芸別有香浮 剛逢十二金波漾怕花陰欲夜先到階頭借問姮娥將圓却勝圓不年來懶拂青菱鏡怕照人白髮新稠惜分張晨星落落興在滄洲

桂枝香

長清旅舍中秋

山城斗大正墟散斜陽樵歸殘靄客子雙輪初息一輪先待清光隨我初圓夜恰茅屋草窗無礙當頭幾見衆峰低處白雲天外 舉酒向雲階再拜見丹桂有花素

娥長艾老矣吳剛當日斧創猶在兒曹解事方年少便
折取一枝爲快今夕何夕露涼如水樹陰如蓋

瑤臺聚八仙

遊孝堂山

孤岫祥煙常遶閣精魂聚順斯堂巖屏圖繪猶見古處
冠裳曉日上簷金穴晃寒雲出隧石門長數千年巋然
在望眞是靈光行人下馬太息況天涯陟屺宰樹斜
陽指點榆山曾記竹馬同行星霜屢變一展謁何似依
棲几案傍空凝竚聽烏啼落木社鼓蒼涼

鶯啼序

陶山展謁祠墓作

新阡已成故壟傷山開丙舍白雲起長繞佳城擁護巖

露蟬吟詞鈔

九

穴無罅年年有龐翁皓姬齊來拜掃春秋社歎天涯遊
子蹉跎紙錢飛一作徧地棠陰畏壘尸祝記當年竹馬

聽青鳥傳語雍容靈旗聯影來下正清秋煙蒼露白掩
襟奠椒漿蘭藉冀君蒿飄上寥空祝文親寫回思馬

鬣始卜牛眠杖鳩親指畫二十載經邱尋壑衡宇栽柳

木菱山積舊林藏櫝齊州九點熊湘七澤關河遙隔三

千里想神遊不斷雲駟駕年來雪涕泥中小鴈無踪陌

上寸草先謝一作中年麥飯前度薌萁尚手攜不借到此

日衰腰欲折強據籃輿短鬢成絲感深杯舉慈烏反哺

乳羊長跪翔崖眠谷驚客夢縱官高更有誰封鮮尋拈

殘線從今賦遂初衣買山學稼

鷓鴣天

濟寧舟中

下水和風送畫槎輕橈百里日初斜今年濟汶波流闊
運道曾無牖版遮邨樹靜市橋譁小樓臨水酒人家

暮鴉聲裏凭窗望秋在園葵向日花

風入松

沛寧舟中臥病

情同中酒并離愁華髮數莖秋蒲帆頗與歸程便奈舟
人苦要停舟料理藥爐茶竈破除吟草歌籌年光似
水又奔流何處可淹留前山亢父如相識記當初太白
樓頭醉覓煙痕柳岸夢回月影蘋洲

露蟬吟詞鈔

二

喜遷鶯

自陶山買得山翠一雙籠之以歸

山光凝翠更崖柏染黛養成雙翼燕子輸襟鸚哥分珠
點綴煙霞成綺學得迦陵仙韻天外數聲清脆盼阿母
放傳書青鳥乘風先起尚未豐羽翻睂眼雛眉已勝
金衣侶舞上蘭茗鳴橫衣桁不似窺魚近水也識蒼巒
閑曠豈愛雕籠重閉要攜去伴幽牕細話松楸雲際

下水船

守閘

遮斷歸帆路一枕奔濤如霧病裏呻吟聲聲逐流東去
聲且住漁火堤邊秋樹繫得行舟無數隔船度玉笛

音如訴約略蘅皋初賦吹澈梁州無端惱人情緒牕且

曙乍聽舟人亂語短夢重尋無處

多麗

暖翠浮嵐之閣在韓莊牖管松厓師所題

遠山橫滿湖波浪東傾被透迤長虹鎖斷奔濤怒挾飛
霆漲微山天粘嵐翠迎傑閣雲上青冥望古凝眸憑高
泚筆却從汗漫憶騎鯨想當日萬艘揮進吟興獨來登
空留得墨痕荒榭潭影危亭 似西州經過感觸况當
秋浦揚舲柳條疎寒生蟋蟀蒲葉亂悄墜蜻蛚燕子樓
空龍山會近淡雲遙指是彭城一派江南風景蓮子落
煙汀蒼茫意蓼花紅遍數點漁燈

南浦

新蓮子

露蟬吟詞鈔

三

曉鑑褪紅衣問芳心尚自含和無苦出水浪痕圓低頭
弄箇箇珠房初吐碧筒未剖壓船驚起煙汀鷺誰寄封
緘爭共擘都是明璫翠羽 寒裳化作蓬人尚凌波微
步魚兒戲舞此意儘堪憐同心結猶記浣紗人語西風
別渚老來情味深秋雨好把流匙先細嚼顆顆金莖凝
露

唐多令

秋水接天涯西風吹日斜望長帆飛過簷牙欲問歸橈
呼不應驚起了柳條鷗 盼眼恨簾遮鉤簾見月華愛
團圓拜向牕紗影照孤衾清似水渾不信綴燈花

霜花腴

舟中初度用吳夢隱重陽前一日汎石湖韻

西風送客未登高獨先吹上余冠牕有明漪檣無細雨
莫愁來日大難酒杯要寬恁生辰却勝從前歎年年辜
負黃花輕霜瘦骨曙袍寒攜得綺琴橫榻鼓飛鴻一
曲響振林蟬仙侶同行叅軍入座謂翟春溪豪情快寫華箋
清韻滿船笑石湖歌倩張娟到明朝赴約龍山紫髯應
共看

壽星明

次翟春溪賀生日韻

鴈宇秋空賴邀詞客雅誥扣船況蕭辰新序西風吹帽
長庚初度南斗分躔我生之初月宿南斗與坡公同歲逐奔駒月臨磨

露蟬吟詞鈔

三

蝸花甲從頭餘二年空贏得似黃花清瘦還綻蒼煙
峭帆數日風便漸熾向江南淮北邊愛荒邨綠醕無人
送酒衰齡湯餅有客開筵邠老吟詩劉郎題字算做登
高重九前君知否最難逢閒曠樂得留連

酹江月

月魄

素娥仙骨是何年輕舉飛入珠宮一片水晶圓又缺孤
輪長碾高空碧兔豪鮮銀蜍酥潤靈藥不停春鍊形長
在暗中生出光融猶記冰鑑奩開霓裳舞徧上界許
相逢斫却婆娑叢桂樹玉質應更璫龍慣護芳魂頻隨
倩影意態本來同酒杯邀住共成三箇和儂

掃花遊

花魂

芳庭靜悄怪蝶夢方酣是誰驚覺魂兮窈窕問歸來甚處占春多少月影徘徊一縷香痕暗照綠牕曉正閨苑當年仙子重到環珮聲縹緲似做弄東風畫圖難肖屨廊未掃待幽尋綦跡但聞啼鳥勾引吟才爲寫相招賦稿翠煙繞看亭亭步回瑤島

壽星明

生日阻風疊前韻

只有天公知余疎嬾遣風阻船看篷牕研露題殘碧簡浪花飛日影蹴黃趺若到河淮當趨檠戟聽鼓應官如去年勞生裏把生朝閒過勝畫凌煙但圖氣體輕便

露蟬吟詞鈔

三

愛此日晴明臨水邊說陽光開朗能除藥裏陰霾解散獨對齋筵老鶴雲端羣鷗蘆外歌舞齊來仙鶴前呼停權任長江無盡波與天連

鵲橋仙

山翠雙籠夜失其一

漁鐙宵冷雁繩雲暗歸翼無人牽挽短樊枯權立多時怎忘得秋山不返結習長林感恩一飯私語同來侶伴主人情重好依棲待他日開籠振翰

渡江雲

雲姿

春雲無定態友風子雨映日更多姿無心偶出岫水氣山容描畫百般奇晴空自在却教人與意俱遲看靄靄

天生舒卷飛上綵牋詩 有時裁成錦綺織就衣裳更
濃堆鴉鬢還化作巫山十二夢入羅幃梨花深處溶溶
月記影兒長護香閨秋信遠江東日暮興思

垂楊

絮影

似無還有問嬌眉倦眼分明見否做暖吹綿顛狂畫出
東風手漫天點點韶光透錯認了雲移牕牖最銷魂月
色朦朧但賸花容瘦 滿地春陰如繡似粉蝶亂飛夢
痕微逗水面空花化萍無跡魚爭奏因緣難覓沾泥後
正細雨清明時候小鬟誤捉幾回揎翠裏

龍山會

九日泊舟楊莊

露蟬吟詞鈔

三

但有風無雨岸幘傾觴逸興橫秋宇繫舟隄畔樹登隄
望便算凭高懷古浩淼最關心漫指點黃流清浦讀河
渠竟成何用美哉神禹 休論老去功名佳節思親淚
灑松楸路菜萁難細數分飛雁一箇已成塵土事業付
兒曹恐未必擔當如許對斜陽舊盟猶在一川鷗鷺

暗香

蘭韻

清言霏屑記騷人逸致風流俊絕靜對猗猗一操冰絃
鼓疎越渺渺子懷欲賦渾無句瑤笙吹徹但佇想室邇
人遙馨佩爲誰擷 幽思未敢說恰竟體藹然素心如
揭吹氣欲活遠道風來兩襟接笑指披榛采處一朵壓

冶條倡葉却抱得空谷意怕人媚悅

綠意 苔痕

春雲墮綠漸點成碎繡鋪上新緝戲蜨先知落藥將飄
翩躑翠毯爭逐東風拋滿青錢路纔買得煙痕堪掬甚
蓮鈎印月成雙花影照人猶獨長遍前宵雨後正斑
砌未掃飛上屏曲斜倚桑梯半絡垣衣展齒而今誰續
閉門篆就相思字莫漫與踏青人讀到小園穿破薜花
已見筍萌成竹

綺羅香 爐篆

苔繡侵階蟲書上壁新炷博山沈水一縷薪傳寫出暗

露蟬吟詞鈔

三

縈心字午繚繞飛上春屏似波磔題來秦隸恁芳情化
作雲煙芸牕深窈墜香穗寒灰撥斷釵股瞥見銀鈎
挂碧玉筍垂綺寶鴨重添疑有青鸞書寄愛月下飛白
初傳怕風來草狂難記到銷殘妙墨無痕掩篝熏繡被
幽未珍珠簾 簾波

湘江綠上湘筠茂眷湘靈濃染斑紋如繡門挂瀑泉橫
似鮫綃鋪就滿院芳陰流滑笏風乍起縠煙吹皺難透
望佳人宛在淩波微逗良久燕子歸來誤桃花薄浪
低飛洞口細縷度爐香似水雲遮晝清淺月移梅影上
浸嫩豔一枝尤瘦雙裏把輕濤捲起眼波先溜

瑞鶴仙 鶴夢

羽衣尋舊跡懷玉局老去空餘赤壁遊仙間消息一千年重話橫江奇翼雲龍放出過短亭還想妙筆笑春婆早醒華表再來尚認城邑獨立閒雲遠水鴈鶩同眠寄情偏逸魂飛八極吹笙侶舊相識歎乘軒可使腰纏無數都付邯鄲枕席聽豐鐘一覺警報清秋露白

蘇木法曲獻仙音

琴信

更早占東風香蟬臥柳陰初暝

鬢尾朝呼冰絲夜嘯似向知音人訴恩怨難明合離無定泥泥又作兒女替消渴文園客心挑接眉語再三

鼓怕鍾期去無消息誰識我無限短歌長賦海上最移

露蟬吟詞鈔

三

情問成連今在何許一洗箏琶甚廣陵不傳曲譜任無絃懸壁猶聽鞠通吟句

揚州慢

韓水綠楊歐山翠幕狀頭早占東風看雛鴉堆鬢薄醉眼朦朧恰騎坐羅襦輭處靈犀一點灸得春融乍蘭橈催上銀鐙遙隔簾櫳杜郎老矣三年歌吹重逢正婪尾纔開梢頭便折憨笑猶工一夜綠衣夢惡啼鵲去闌苑成空聽玉簫何處小橋流出殘紅

菩薩蠻

記水訪一齋僧不遇

門前水斷紅塵客團蒲曾寄蘆花月跏坐未終朝秋風

促打包 小詩空挂壁何處尋飛錫隔岸響鐘聲聞雲湖上生

賣花聲 僧寺秋色

滿院認曇華爛若朝霞秋光多在梵王家采摘人來僧入定紅日初斜 楓落到江涯覓句難佳衰顏借酒向誰誇唯有東籬橫瘦影霜後纔葩

翠樓吟 高旻寺

翠堵撐雲琳宮照水維揚第一禪宇竹西歌吹熱過十里清涼如許人禽無語正器鉢初停威儀齊舉扶筇駐先清塵夢負簫深處 幾度挂席來遊只少時登塔捷

露蟬吟詞鈔

七

同猱虎秋旻橫白日笑數十年華如羽前身應悟見示病維摩散花天女方凝竚晚鐘纔動隔江呼渡

八歸 返金陵用白石老仙韻

秋曦坐甌晚雷暗鼓山畔微雨又歇江流自戀斜陽影送到鯉魚風老鴈鴻聲切景物關心紅樹路問春潮槩牙誰撥那堪憶千里王孫百草怨鷓鴣 未返山中老屋離巢雛燕又向西風言別客還如夢秋殘生感不愛滿林楓葉笑蹣跚聽鼓欲脫朝靴換鞵屐歸來後諸孫牽袂繞座黃華銜杯邀淡月

蝶戀花 題蝶仙圖

淡赭輕黃渲舞袂法曲霓裳養就蹁躑勢不是尋常芳
草隊簪花筆引仙魂至 畫閣深深春似綺羅帕承來
飛上桃花紙午夢初醒身是寄漆園風韻祇園味

意難忘

題熊潤輝叅軍舊照

塵海風波笑長安道上最閨人多升沉渾不定藻鑑總
無訛名宰相老山阿

圖爲韓城
相國所題

歲月去如梭牘畫圖留

題姓字滿卷詩誦

半生心事如何愛全家眷屬都住

煙蘿承歡欣捧檄得句自吟哦堆架軸眄庭柯寄興在
漁蓑歎我生長攜藥裏日踏朝韉

賀新郎

題夢遊月府圖

露蟬吟詞鈔

三

一枕遊仙夢見分明玉宇瓊樓翠環珠擁門外徘徊何
處入幾隊雲鬟企踵恰招得香風來送可是當年曾相
識任幽探不詫閒賓從親授簡快吟弄 覺來仙露猶
雙捧記霓裳調和宮徵尚聞鸞鳳折得一枝金粟影莫
作清齋雅供正好向閒田栽種堪笑千年脩宮戶便衰
成七寶成何用游汗漫倩誰共

瑞鶴仙

題盧湘槎跨鶴清游圖

破煙翔俊翮怕背壓多衰腰經難覓昂藏同鶴瘠恁豪
情不爲空囊蕭瑟江城舞鳥憑指點蒼苔白石問何人
一曲南飛都道羽衣仙客 難得二分明月兩裏清風

盡歸吟帙鴻泥往蹟記披氅侶裙屐歎鬢絲禪榻茶煙
花雨渾似蒙矐病翼待何時共載琴書追隨畫鷁

疎影

題陳雲濤希哲中書守梅圖

孤山古屋儘無人照管花放空谷雪逕樵歸霜澗舟橫
誰來伴此幽獨羅浮道士驚殘夢乍報到江南春速便
化作羽客胎仙保護美人如玉更有元關自健向簷
表索笑橋畔遊目冷似冰葩瘦似皋禽眷屬幾同君復
歲寒盟重南飛早振遠響在陰能續記向時翔步雲霄
却戀石苔香啄

滿江紅

次韻秦小峴少寇題楊蘭圃濯足圖

露蟬吟詞鈔

三

一著朝韉那能便賜閑湖曲紅塵路倦遊回首釣磯茅
屋三月桃花春汛暖自解韉繫誰當束踏穀紋不羨浣
蘭湯雙蛾綠行跨鶴歸驂鹿停展齒看碁局愛春風
沂水莫傷吾足畫舸掀翻鷗浴浪青鞵辦就鴻遵陸笑
打包脚汗濕如泥閑爲福

臨江仙

次韻美人補綻圖

鐙影照人一隻簾波捲地三重夜來補綴半筐空起揎
寒裏綠夢睡濕絨紅嚙斷春衫綵縹敲殘曉漏丁東
一般壓線小樓中嫁衣容放翦擁絮足當風

又一闕

題竹笑蘭言圖

世上難逢開口座中幾箇同心循階遶院問知音風懷
傳一炷香韻和孤吟 靜倚佳人翠裏遠思公子芳襟

離騷長夢楚江潯梅檐方共索桃逕已成陰

風入松

題吾半客畫扇小照

聚頭一握萬株松展出翠雲重聽濤有客憑闌坐俯流
泉響入高空試問聲來甚處鏗鏘不借秋風 君家山

上歲寒同人自雪香融嶽寄歷落隨波遠逐年華不改

芳容却憶牽蘿補屋難忘錦字簾櫳

吾生方刻其亡室詩

鳳凰臺上憶吹簫

題小維摩詩卷半客室江珠是遺集

三徑鋪煙一簾鉤月捲帷如聽吟哦正鬢絲禪榻小示

露蟬吟詞鈔

三

維摩非爲生來瘦怯緣覓句寫盡香螺從今後文人慧

業斷屬脩蛾

哥哥謝庭咏絮絮

謂其兄鄭堂

兼玉鏡臺邊唱

和偏多奈一場春夢圓到毗羅

珠將死夢一理字自原圓曰一日便當埋矣

是散花天女休便說埋骨山阿還賸得梅痕似雪墨瀟

如波

踏莎行

題畫芝蘭

棘樹叢中竹枝橫處生芻一束來何許兩般葩葉一般

清孤芳迴出荆榛路

與善人交向空山去畫中風韻

依稀遇墨痕化作國香魂幽牕靜對同心語

哨遍

蔡貯蘭孝廉奉蘇文忠像爲奎星屬題卽次文忠原韻

寶籙拜章闈闔廣開奎宿光垂地還認得學士最風流
早養就浩然之氣鵠立通明紅雲捧文昌新入手抉銀
河水當被髮騎龍淋漓大筆仙才一時無比到力掃糠
粃削繁枝便紫府歸來鬢如絲想像天宮抗疏依然謹
言風味把乾坤奇麗儘數收拾重霄裏入華嚴界一
場春夢了名利看小劫紅羊大乘白足羅胸列曜騰而
起傳說乘箕東方化歲同爲游戲空際記生辰人唱鶴
南飛更臺上清都萬塵低總難言造物無意君看士大
夫身十七經人世矧茲玉局潛通帝座香火定無窮已
蘇詩灑掃古玉局香火通帝闈底須呵壁問來由笑科場不論文耳時貯

蘭落第因以慰之

露蟬吟詞鈔

三

一萼紅

題保香嵐蕉花詩冊蕉其先人所手植也以慰之

綠天深看甘蕉幾本重萼拆黃金金不盈簾蕉偏映砌
手澤猶在堂陰記親種藤牋百幅待後起頻展未舒心
此日生花恰同豪素清夢堪尋黃卷青鐙如舊對幽
牕短榻夜雨沉沉掌葉鳴風囊葩滴露入耳都是淒音
便裁扇難親枕席感霜雪空擬畫寒林怪煞同名異容
美似華簪

露蟬吟詞鈔

陶山先生學本漢唐故詩文醇粹
獨可少古詞令脂韞回不爲也此
于入

觀此少時每行遠邈偶敘傷聲
以消岑寂而詞中精義動固身
世之酸醺傷感而六家托足深
自昔人知少陵爲詩史今昔
謂陶山爲詞經此紅牙索板之

露蟬吟詞跋

一

所欣侍志也余雅耐填詞數十
年矣讀此始知風雲月露之
不可少也吳下多曼聲

公守是郡自當一洗澁筆于之唱讀
今初爲

國之愛爲則民幸矣余托知音
之與人不同耳不瑞先識

露蟬吟詞續鈔

與窗寒

陶山

唐仲冕

六枳

夢寒三臺

疊舊韻酬汪沆雲侍御

笑吾曹常說勇退又來長安聽雨溯蒹葭秋水逐歸鴻
更征馬隙駒同度東華望鷗閣連虬戶好就近詩筒來
去恰追尋紫陌花驄未便作青天飛鷺趁兒曹鈴索
應奉且向此間權佳坐高堂左右弄童孫似燕子呢喃
風絮重來謁選春明路聚家慶彌叨

思遇憶往迹鏡攬髭霜捧新詞手拈薇露

轉頭銜窮

海作郡仍唱望江南句早素心千里寫停雲要寄到鶴

露蟬吟詞續鈔

一

南飛處頽年似倦鳥思棲樹快握手短歌長賦約異日
巾挂三花記今番雲瞻三素

風寒
淒涼犯

題朱蘭坡洗馬畫其生母雪夜綑兒圖

知兒定與常兒異床邊未必啼哭深愁伏枕微聞動息
薄眠難足呱呱寄宿迫寒夜奔波撫鞠正淒迷雪虐風
饕隣嫗近籠燭嫗亦零丁苦雪涕同揮解綑攜襍兒
啼易止自長啼夜深聞鵬勞瘁而今手中線縫成綵服
夢寒號聲中擁樹宛在目

瑣窗寒

題蘭坡畫其繼母霜帷課讀圖

卅角移闌脈幡就塾親心隨寄先生撤席敢逐卬童嬉

戲導高堂歲寒松柏悄然吊影孤鐙侍覺淒風暗動簾
旌夜半讀書聲裏垂淚殷勤誨說遺書手澤我聞其
志下帷攻苦也要藥冰滋味荷旌門丹鳳五花倚間望雲同長似看新圖滿室春暉總
含霜雪氣

臺城路

鑑兒門下新先輩邀飲陶然亭

幾番重踏都亭路追懷舊遊初地燒尾歌酣遨頭釀熟
滿院新栽桃李宮花拂几笑餅薦紅綾試翁牙齒一醉
陶然少年風味老年喜開軒憑眺取遠塵襟思一條
難覓煙水薜荔牆邊菰蘆館畔莫忘此中栖止涼風入
袂聽茂樹鳴蜩報秋先至萬堞拖霞暮鷗催客起

露蟬吟詞續鈔

二

粉蝶兒

題畫

指點春光翩躚獨尋香夢問春風此情誰共落花天芳
艸地着衣煙重樂蘧蘧還將槁梧輕弄冰絲再鼓春
駒化爲么鳳愛生綃化工飛動舞華衫搖粉版恍遊仙
洞笑纖纖齊紈撲來成閨

瀟湘曲

瀟水清瀟水清冰絃響處瀑泉鳴繪水繪聲看不盡楚
山一角曉煙橫湘水深湘水深碧波照見水仙心指
掌中藏湖萬頃洞庭人聽海潮音

瑤臺第一層

題六如亭爲伊墨卿修朝雲墓作

爲問天公投海客何人患難從衆星皆散唯餘一點伴
月隨風夫君忠獲罪感妾心獨効孤忠黨人籍倩安民
重刻補入其中 惺忪巫山神夢也隨春夢一場空六
如叅透靚魂歸處兜率天宮含悲生石闕訪墓門蔓艸
荒蛩使君到便修亭立表保母書工

暗香

閨

臨宋馬和之梅林詩就圖爲行看子自題二

古香古色看古人古貌古心如活約畧似吾清冷惟宜
對冰雪當日吟魂宛在自然是前身明月但覺得五百
年來與君頗有瓜葛 神合面孔別恁林下美人莫恠

露蟬吟詞續鈔

三

唐突問君覓句曾共逋仙詠耶不今日重尋舊夢何處
寫天然風骨却笑道前作者稿猶未脫

踈影

全上

高山一角有古松怪石雲氣填壑萬樹孤芳幽悄無言
詩人氣味先覺半生頗受紅塵擾恁面目怕花嫌惡剩
幾篇島瘦郊寒那稱竹西官閣 猶記湘江屋外有三
五十樹供我吟索一別多年苦憶花時玉簫樓頭吹落
吳中大有園林好爲肺病屢辭觴酌替古人受凍何妨
莫負故山猿鶴

百字令

送春次韻

問春何處却因何乍到因何去了九十韶光曾幾日便
算年華先老忽聽春言成功者退不受情緣勦成功安
在手將寒氣全掃更看柳綠桃紅開花結子歲事安
排早若使春來常不往世上人人年少雅意攀遮天門
宕宕空寫留行草讓渠先返倦飛吾亦歸鳥

又一闕

送春次韻

乍來新燕便喃喃說道春將去矣却笑春來難似燕不
到十旬僑寄門外蘭舟街頭杏鞦相送情如水獨憐幽
草寸心一縷長繫有甚見如情由幾陣風狂紅雨紛
如洗祖帳長橋歌折柳却憶年時情味病榻茶煙夢窗
花霧別思心頭起春歸何處能催遊子歸未

露蟬吟詞續鈔

四

送入我門來

度歲次韻

煖熱飀盆早春先到梅花已點蒼苔彈指流光爆竹徹
宵催迴頭細數桃符帖二十載都將文牒偕喜今年輒
歇親朋小聚有酒如淮是處六朝山水曾經十年買
屋比耦無猜夜祭詩神任客笑書跋攜家度歲吾廬愛
第一次風光得得來看屠蘇滿引無論老少齊上春臺

前詞

人日雪疊韻

翦綵人間翦花天上祥雲碎積階苔送臘迎春喜氣暗
中催良宵玉女窺牕下似月照羅浮仙子偕愛衾稠自

暖池園悄悄功奏平淮 眼望隆冬虛度今朝尚然六
出好謎先猜點額裝梅莫恠壽陽缺烹茶親捧香甌滿
勝舞袖低垂金帳來仗東風助興雙雙銀鴿飛上樓臺

春從天上來

上元立春次韻

斗酒雙柑遲淑氣催鶯如盼仙鬟隔年黃襖幾夜青娥
韶麗出戶偏難笑春情澹宕特趁此花樹檀欒似人生
要金吾執掌方稱奇男 年年兩行旂仗愛有脚陽春
物阜民安受代新遷仍然聽鼓回首過隙跳丸恰星橋
月戶酌湘醪暖透裘紈共追歡好雙簪綵勝千點荷盤

前調

春雪小瀟疊韻

露蟬吟詞續鈔

五

酒釀霜柑會煖閣賓朋但欠雲鬟撲簾風緊珮玉妃來
梅瘦莫道肥難帶三冬餘味對竹葉親擘香藥但霏花
笑蘭芳手樹何必非男 人生適情而已得坐向瑤臺

眼悅心安九十春光纔過幾日不信便作蜨丸看跳珠
碎碧化春水迥異香紈趁清歡把青絲細菜合貯晶盤

金縷曲

次韻汪浣雲侍御連楸軒圖

出土雙株秀看亭亭駢肩玉立宿煙穿透勢到崢嶸高
三尺便有枝柯合耦密葉共繁條舒繡逐節相連無衣
縫忽離開又似鑲嵌就聯接處裏皮厚 兩情似隔時
投分憶桓公諸侯九會獻酬樽酒離合何常如斯樹記

得開花宴友想此日青黃相糴喜遇長安朋簪聚珮瓊
琚雙管凌雲構懷永好德齊楸

賀新郎

七夕

昨夜香車洗看今宵纖塵不動畫輪雙至便聽河津填
橋鵲空外聲聲報喜沒半點雨情雲意一水盈盈遙相
接謝天公十萬金錢費年一合勝人世人生豈有千
年寄幸重霄情深萬古指河爲誓天上春秋同昏曉何
必紛紛灑淚怕世上薄情如水一度相思生紅豆恐碧
漢無復栽榆地新月落綵雲起

水龍吟

澆船聲

露蟬吟詞續鈔

六

孤蓬曉夢瀟湘膏騰陣陣淋浪下芭蕉幾樹枯槁何處
纔聽便訝爽氣收陰乾風扇神瓢可借似天孫洗過
香車問渡船頭把銀河瀉一片秋雲無罅怪傾盆勢
如奔馬輕濤捲起建瓴有勢挈瓶誰假畫閣朝眠瑣窗
聲近落梧瀟瀟錯教人疑雨疑風怕打碎雕簷瓦

同上

擬拖聲

支機石隔津河後房忽聽跣跡響吳孃一曲瀟瀟暮雨
何來織紡蠲首斜飛沙隨岸轉頓移方向妙機關撥動
戛觚萬斛鳴啞朦于喁唱依定斗杓南望歇車麟又
催吳榜天涯海角祝風呼月何鄉棧槩送別征帆閒停

杼軸背吟惆悵似人聲恰與木聲相應趁秋濤壯

同上 搖櫓聲

柔情展轉難言兩枝柔櫓含糊道函開碧鑑翦殘春穀
煙鬟入照結轡無端啾啾不定扣舷清嘯相思怕被
關河隔斷隨君做浪聲小拂水頻聞鴟叫夢纏綿一
聲驚覺圓珠萬顆碾過千尺韻含幽窗蘆葉微鳴菊花
無語郵籤頻報想倚樓人瘦風閒鐵馬有鴻音到

同上 牽纜聲

情絲一縷長牽暗隨百丈牽船纜奔流上泝石尤方起
與舟搖撼竹綆低拖桅竿高揭其音坎坎乍聽時恍坐
露蟬吟詞續鈔

七

藍輿支格有人負千觔檐嘹唳雁繩秋泛繫斜陽柳
梢雲澹索綯乘屋輓轡汲井一痕波蘼草帶煙鬆柳條
風緊挂懷生感箕離腸軟語雲鬟自挽對紋窗黯

同上 柁杙聲

亭皋秋滿寒砧悠揚響到停橈處忽聞重擊雷琅鞳
乍疑春杙鴉噪斜陽柯樵山遠落帆風度聽敲殘野外
行雲欲遏好留得鳴榔住更無人呼邪許聽長空振
聲林樹江頭落木海濱歸艇解維前度宿鷺驚飛郵更
繼續角吹寒戍想還期屈指如聞剝啄在門前佇

小重山

柳岸蟬嘶秋氣清小池紅菡萏半飄零畫船歸去一簫
輕無心採交付夕陽汀鷗鷺了無情花溪曾宿處却

孤鳴相思寂怕意難明明分說贏得外人評

醉江月 沛縣舟中秋望月

玉壺冰鏡濯秋濤靜與江天同色籠罩衆星開宕宕獨

礪長空無轍小立吟魂孤逢皓魄相對情如雪釀成涼

露灑除塵界煩熱辜負萬里無雲關河間阻咫尺難

飛越 時因塞壩阻船安得乘槎銀漢裏直上廣寒宮闕桂子落

時蟾蜍飛去聽到霓裳闕素娥攜手更無陰晦虧缺

唐多令

露蟾吟詞續鈔

八

昨日忽離船今朝又扣舷覓籃輿隔岸沿緣堪笑河隄

新使者憑牖版塞長川重費買舟錢舟低挂帽簷問

江南尚幾郵籤又負桂花香滿院莫再誤菊花天

水調歌頭 清江遇雨

似欲阻歸客川路滯難通兩番三次跋涉河伯始相逢

天道多宜西北地氣還當收歛底事起東風更灑清秋

雨勢與望洋同河干渡公路浦問篙工當頭澎湃淅

瀝短櫂難爲功此去小山叢桂便到白門衰柳湘樹尚

千重風雨毋相妬江上有漁翁

南鄉子 秋霧舟中

落月鎖孤篷，露氣清清斗帳通。乍起推窗秋欲曉，溟濛未放朝暾照水紅。鼓棹向江東，依約荷裳畫舸逢。却被濃陰遮不見，惺惚昨夜懷人夢又空。

瑞鶴仙

六十二歲初度

渡江秋滿鏡，笑鏡裏姮娥，但餘眉影。天香爲誰等，入門來，萬蕊再開還盛。金葩摘牘，和綠釀、頻添菊井。對小山、暗數年華，莫放蘸花觴詠。且幸無風無雨，節近重陽，一籬閒淨。登高選勝，怕明日陰晴難定。望雲鴻、寫出數行小字，何地音書未省。似傳言野鶴盟招，沙鷗夢醒。

大聖樂

題蔡曼綬佛田圖

露蟬吟詞讀鈔

九

望月生慈拈花微笑，是誰叅破自洞天。白石詞仙唱徹楚雲衣鉢，獨憑擔荷芳草夕陽。王孫去，有無數傷心歌。楚些浮家舸，趁春水半篙閒淨塵泥。風流尙聞咳唾，向三百年前相印，可聽遠鴻孤度相思一點遙待知音。賡和收取綺羅供，絲繡儘超脫蘭因。和絮果山雲起，把鶯燕齊歸獅座。

江梅引

題師芸舫藝梅圖

冰霜爲骨玉爲標，恁根苗出瓊霄。未許豪門雜植柳，和桃不是詩人裁。不得須畫意，稱吟情，傷水垠。問君甚時逢鶴招，是近郊是遠皋，或低或高伴松竹，應到山椒。

因憶林居鋤月繞書寮一別風塵今老大人若此樹如
何驛使遙

瑞鶴仙

重九遇雨次前韻

枯荷難作鏡看雨打浮鷗迅飛無影高臺有人等怕秦
淮問渡商飈方盛山殘水賸苦秋乾幾成胥井藉曉霖
暗溼花團底事倚巖風詠何幸生朝晴霽預卜康強
塵痾都淨楸枰賭勝好收局間入禪定笑萸囊攜去長
房獨往閬苑誰人得省指煙鬟鶴夢初酣霜鐘警醒

又

塵封粧閣鏡夢曉月新涼衣香人影流光屬春等奈春

露蟬吟詞續鈔

十

歸不管花衰花盛梧桐落膽對寂寂心如古井爲薄寒
啟篋裝棉又見舊牋題咏猶幸金經口授玉篆爐添
飯依清淨無心角勝知離合都是前定憶西風催送去
帆遠別無語教人莫省渺天涯萬木紅酣餘醒未醒

風入松

卽席贈潘郎

高樓華燭漾簾波瓊樹發妍歌綺筵盤飴新香果愛拋
來盤已無多山木誰披翠被水田獨曳纖羅琵琶新
調弄清和蛩語墮寒莎載將胥浦船頭酒醉青溪壓偏
修蛾去取玉奴絃索來依月姊姮娥

蘇武慢

重題庚申年石湖紀遊圖次前韻

十五年前三重閣上人共柳舒青眼湖光滿酌勝色齊
餐不放玉簫聲遠猶記那時近水風柔出山雲嬾似大
叅遊榼散仙歌板畫欄敲徧纔剩得半幅描煙數行
題月當日韻情俱婉關心逝水彈指跳丸那有長繩能
綰迴憶故人擲管微吟捲圖還展待重尋鷗鷺柳髮蕭
蕭幾線

醉江月

阻風登燕子磯次蔡曼受韻

月從星好謝江神昨夜夢圓非惡

夜夢試月之從星賦

如此江山

休錯過遮我布帆先落雁齒緣溪鳩頭倚磴鷗外空煙
幕勢將飛去繫繩須倩誰斷秋燕過社齊歸烏衣故

露蟬吟詞續鈔

十一

壘長聽江樓角頗似羈棲巢戀舊不向天涯飄泊沙影
書鴻梯颺鼓隼又掠舟西鶴劃然長嘯扣舷還勝絃索
聲聲慢

次韻燕子磯守風

短篷籠霧落木敲雲枯蘆故作波聲似燕鳴檣留人獨
坐窗深昨朝舊遊重覓怕山中猿鶴寒盟聊擁榻對鶯
兒黃醞雁足青鐙忽憶呢喃輕別正雨迷桃葉月冷
梅根荒戍狂飈吹殘蛩夢難尋料他楚山顰蹙類幽巖
潮湧煙昏風更緊羨來船帆飽幾層

乳燕飛

次宋荔裳燕子磯題壁韻

故壘依粧閣記當年王家謝宅棧題礪琢飛入尋常蓬

門裏閒了秋千綵索何處覓繡簾珠箔但見江頭多壁壘且銜泥占住橫江郭懸梵宇響風鐸南朝金粉翻新作也會經傳箋寄簡赫蹏輕薄狎客風流春燈夢催醒空中鼓角都化作雕陵驚鵲此是烏衣安樂國喜巢成不逐檣烏落誰作伴有松鶴

水調歌頭

刊發燕子磯半日至京口次周懷登燕

山老聳蒼翠石瘦巧鐫鏤天教閭闔風起送上碧峯頭萬頃長江東下來會丹樓檻外洗盡古今愁問燕燕無語冷眼看閒鷗吾衰矣登臨倦且三休知吾亦欲東耳霜滿鬢毛秋一夜緒風初轉十幅蒲帆乘便北固蕩輕漚渾似雙飛燕掠影翦洪流

露蟬吟詞續鈔

三

長亭怨慢

無錫黃婆墩次曼受韻

笑塵海惡風淒緊海上三山望而難近今賦歸來孟漣應護短篷冷謝公墩畔知稚子門前等那料更遮闌做弄到黃婆窺鏡却幸遇瞿曇黃面覓第二泉教飲窗中遠岫有無數睡雲難醒望不盡樹影波痕便歌出吳孃誰聽似登橫舟亭春夢會傳清詠

平韻滿江紅

次韻毘陵舟中

參破華嚴駕大願人度大千坡仙悟志林真諦舟檣亭邊洗硯烏雲看墮月封翬黃釀憶頽年笑買田陽羨竟

無成山客憐 毘陵派楊子連石尤起布帆偏耐守風
終日破晚衝煙市上欲沽京口酒盞中猶注惠山泉愛
古人朝鼓聽鼙鼙高枕眠

慶宮春

丹徒待潮次姜白石過吳松韻

喚客歸舟滯人行潦昨朝感浪風闊風定帆開浪平櫓
送漸佳當似蔗末老蚪猶卧把千丈潮頭未發前愁波
大今恨波微不禁慙壓 遙看北顧樓高海鷗飛來問
而無答長江東瀉英雄往矣巨浪如何弗歇擊楫空勞
况如線才同拆韞潮來潮去因甚忙爭千秋一霎

湘月

次白石韻

露蟬吟詞續鈔

三

我家岳麓記三間老屋門外江景少小棲遲命皓月助
我扁舟吟興蟻夢方酣鷗盟長闊挂壁蘿衣冷塵容羞
月鬢霜忽滿明鏡 因讀白石仙詞湖光月色照歌場
文陣俊友如雲逞逸調一時風流誰勝兩指聲傳扶頭
酒醒尙憶鱸魚信吾何爲者釣遊怎不重省

齊天樂

隣舟聞笛次白石促織韻

子期情感山陽賦鄰客數聲如語月落蘆漪煙深荻岸
原是桓伊吹處鮫人密訴倩寒碧爲堂翠玕爲杼織柳
黃衣付將小鳳寫心緒 寒牕掩襟似雨背人三擲弄
遙間霜杵鴈管初停牛衣乍起暗數殘宵星數知音莫

與怕裂石穿雲頓驚龍女貼額宮梅那知人怨苦

驀山溪

驀山次白石題錢氏溪月韻

突椒岑蔚似踏芳畦屐化工大園翁問何歲携鋤種植
隔江古步衝浪汎瓜皮聞塞鴈話西來蔥嶺三千尺
鬢髭蒜髮種菜生涯覓蠶曰有餘辛聽鐵甕城頭鐵笛
南唐戰壘一水共長天垂碧幙下銀鈎手摘雙蓮憶

平韻滿江紅

江頭阻風次白石巢湖神曲韻

難得東風却一夜推浪助瀾來船與去船同患波湧如
山擁被孤眠搖警枕窺窗小立墮危冠怪暖雲俄頃秣
寒門如轉環窮通事如此看問江左望淮南只一痕

露蟬吟詞續鈔

一四

衣帶便隔重關玉局西歸憑水誓金源南下被山瞞又
豈容吞海任橫鯨天地間

江梅引

次白石留梁谿韻

東風作惡記來時願歸途慰儂思此日得風多謝好提
携不料怒飈空自順又驚回天公意那得知世間得
失總休題任虛空看鶴飛捨舟上岸更衝雪不見朝暉
頗怨乘風來去計都非遮莫噓枯春意動草先萋吹花
氣上我衣

法曲獻仙音

登岸借宿秀峯庵次白石張彥功官舍韻

孤艇如庵古庵如艇寄跡原無殊處艇簸驚濤庵懸慈

筏伊蒲絕勝有俎正宦海漂搖久安排入山去 莫還
顧借團蒲便忘生計誰喚起幽壑老蛟盤舞化作萬祥
雲叩金仙如願相許磬口檀心似開顏助客覓句但同
雲三白不怨淹留風雨

驀山溪

賦庵中蠟梅次白石賦柳韻

芳春消息未付鶯和燕團蠟燃爲丸較江郵預先拆見
黃中通理含馥露旃檀分簷蔔倚優曇不受東風管
梅開尚未樓笛幾吹斷獨報歲寒前密封緘幽香不散
孤山處士底事不相知君欲白我先黃行輩何容亂

霓裳中序第一

山行遇雪次白石韻

露蟬吟詞續鈔

七

當官屢盼極爲甚閑行忘不得無奈朔風着力正孤舸
乍拋重裘先索寒光入隙剌棹迴爲跨驢客沿山去兩
巖積玉笑我壯行色 岑寂似棉黏壁爲衣被窮黎細
織堪憐豪戶埽跡坐擁銷金不踏塵陌軟紅行自息買
釣艇春流漾碧貂裘敝何如蓑袂覓醉野梅側

清波引

抵金陵盼曼受江船未到次白石韻

雪飛瀛浦算飄挂兩山對舞權歌何許畫眉見山嫵一
舸載清詞定向梅花尋去笑余寒策疲驢指疎柳是門
處 偕歸未與計天際檣影早度曉津停否問拈韻誰
語松陰揜虛榻細數連朝晴雨料得佳句漁蓑瘦吟辛

苦

長亭怨慢

和曼受江行阻雪次白石韻

記粧閣吟成風絮岫月窺簾浦煙藏戶雪滿關河壯遊
千里強相許認梅開放都着在江潯樹樹若正花時想
未必奔波如此不暮在明窗淨几細字展牋能數人
爭雪豔憶姑射玉肌天付正照眼仿佛飛瓊問千樹琪
花誰主似載得卿卿相對齊歌金縷

八歸

和曼受重至金陵次白石湘中送人韻

湖蓴慕翰江蘿吟屈行李白下小歇棕鞋暫謝閩山路
頗恨荔枝緣淺君謨空切屐齒舐脣緣底事且剪燭爐

露蟬吟詞續鈔

七

灰同撥笑是處柳盡銷魂百草侯春鴉君是吳門俊
少憐余羈旅忍向紋窗輕別布帆無恙錦囊初解書徧
林中黃葉怕馳煙驛路好約遊山辦巾幘休重問六朝
金粉只有寒鴉空林啼碧月

翠樓吟

和曼受再客憩書樓雨窗次白石韻

印解花床書藏水閣欣如鑑曲蒙賜人同書並憩又羸
得詞仙清吹川流山峙看落木飄丹明玕凝翠吟情倦
雨催詩急繞階聲細我亦王粲登樓憶草堂湘畔野
鷗間戲故園迢遞也羨君近橫塘鄉里通仙風味共索
笑巡檐如聞花氣憑闌望把書高閣快迎新霽

淒涼犯

和曼受雪意次白石韻

板扉晝閉邨煙冷栖鴉幾樹蕭索燒痕一片山樵歸處
斷雲孤角江鄉歲惡怪沽得芽柴味薄乍開門寒威漸
緊穹宇尙冲漠生怕祥霽閣飯甕將空襖棉何樂向
天女道要天花散時齊落碾玉爲塵早仙叟碁輸一着
待租驢準備覓句赴舊約

解連環

和曼受雪霽次白石韻

玉樓誰倚怕開門一望動人情思爲阿樊桃葉輕飄小
蠻柳花先別隨流水帳冷煙銷空照白綃如洗正圍爐
紙閣酒杓茗甌手捧時記寒窗霽還未霽戀孤茸最

露蟬吟詞續鈔

十七

久鶉結難棄奈強卧衾似冰霜訝敲夢聲微屑瓊人至
塑作瑤仙且取快惜花眼底待重摘領珠百琲探驪熟
睡

探春慢

和曼受謝鐵火爐次白石別古汚韻

寒聳吟肩凍堅瘦骨昌黎情同東野筆有鑪錘冒無冰
炭閒對門前玉馬還怕霜豪折誤佳想時晴初寫助君
柔視頻磨煖雲飛入詩話應憶香篝作伴夢鴨篆續

添鳧藻親把

鳧藻馬小
憐手爐名

稱驗黃鐘盆堆商陸歲月不堪

鎔冶惟勸將鐺煮引大白離騷同下古步空名燃藜猶
照長夜

玲瓏四犯

咏冰次白石越中歲暮韻

藻鏡光瑩鮫綃紋潔凌波人已情許一層猶隔水貌冷
知心古幽詩倩誰共賦且冲冲鑿開銀浦岸觜舟膠渡
頭輟滑霜月照堂苦何須更尋江路爲梅花寫照清
徹庭戶畫檐懸筋滿凍雀驚飛去寒輝化作碧顏黎度
征雁關河如旅聊寄與濤箋約同心勝侶

徵招

呵凍次白石韻

冰箋欲寄瀟湘浦遙憐閉門高士脉脉犯霜尖訴衷情
惟此管城今老矣尚清潤寫將離思一氣呵成凍雲融
洩歲寒如是夢裏早生花着冰花醺醺耐人咀味捉

露蟬吟詞續鈔

二八

搗歛薑芽擁龍賓十二吮豪非率爾藉噓送暖春神志
展芳訊咳唾隨風似貫珠難計

角招

負暄次白石韻

倚筇瘦晴光正到柴門待臘舒柳兩肩聳似岫恰送暖
風先戟雙手面檐立久苦憶着吾廬三畝屋角寒煙縹
緲記曾共話黃鮐向樽桑低首還有忍寒半袖香肩
一拍春入眉山秀步搖行急溜誤認人來寒鴉飛候韶
華易舊且酌扶頭朝酒脆管南榮獨奏但傾嚮有葵心
梅爲友

一萼紅

冬至和白石人日韻

數光陰一陽巾又戴垂白合抽簪如炭懸衡如葭納琯
人自輕重浮沉小梅爲花霽着色待綴玉招得宿枝禽
欲向庖犧探春消息樓上凭臨山意似分南北問冰
融雪積冷暖何心羅韞長生芒屨幾量歡事誰與追尋
想香閣停針不語撿熏篝衣縷細描金謾說肥冬箇人
瘦對雲深

摸魚兒

買貓次白石韻

爲巾箱貫魚穿柳裏鹽頻聘閭井庸奴大半同眠處孤
榻那堪安枕還急省怕狼藉芸編萬帙須更整雲深雪
冷忽壁壘初新輕裘緩帶喜得將材領看幽隱遙射
圓眸光炯羣陰先伏俄頃李斯誤矣空居廡爰獄許誰
求請花階迴趁添線餘閒夢與花弄影瓶罌莫問笑鵝
雛謾嚇驟駟輪能和汝策勲飲

同上

露蟬吟詞續鈔

十一

覓狸奴早春將子是誰家住雙井崑崙頗學休官嬾眠
伴主人吟枕須細省耆菴按圖經市取毛色整睛圓鼻
冷怕尾太如蛇膏長似馬錦帶空垂領先疑有恣索
窺燈雙炯炯休誇汪度千頃應同便了王褒約非比洞仙
呼請閒庭迫禁竹犬欺生吠逐烏雲影金錢不問但架
理牙籤因留玉粒沾酒對爐飲

念奴嬌

字鹽次白石荷花韻

積年牋牘累箱充棟惡其狼籍造爲鴻鹽付之
祝融以還倉頡俾文字解脫化作煙雲亦大快
事因賦此曲

楮生慧業到功圓招得丹鹽儔侶安就絳宮先自鍊二
七河圖成數運甃圓方指薪傳化寶粟飄紅雨飛騰霄
漢鈍根空學章句頗妒三蝕神仙修成脈望故紙鑽
研去底事得緘開未讀投入清流前浦太乙吹藜六丁
抽鐻煙繞祥光佳寒灰重撥故人書寄雲路

前調

筆飲次白石竹榻韻

露蟬吟詞續鈔

三

昔友有以筆飲見贈者其製方孟藏水四管在
上可倒卓筆羊毫宜濡而不宜渴漱芳常潤繞
指爲柔用則擲罷則卓良甚便也藏鋒飲水有
當余心故有此解

構思消渴養文瀾好向方壺清暑新拜管城銀作印試
問藏鋒何許水在中央山周四角湯沐閑情趣詩歌洄
酌那知挹注辛苦贏得一片冰心非秋垂露與水爲
知遇欲學陶公中獨漉老矣當耕南畝毫巽居囊失還
加帽自有思源處興來濡髮一時揮灑如雨

湘月

米困次白石素娥睡起韻

江東米價重於珠玉鄉人自長沙來值稍輕減
購得數鍾苦無倉廩卷席爲囤可免市糴之勞
食指浩繁足資旨蓄湘月白石道人集只景字
韻一解惟洪陵華所刻詩詞合集有此二曲玩
其音韻似出一手故以炭車并倚聲焉
伐植載咏念當年隴上自耕新綠索米官倉臣朔媿歲
歲虛糜廩粟舟載胡奴困輸公瑾塞破堆書屋織蘆如
櫛蓋藏先撤籬竹猶記石蠹衡山周圍曾仰望巖頭
飛瀑仿作團瓢圓似甕握算料量升斛買得狸奴護防
穿壁門外人同鵠頗聞空噪忍看比戶炊玉

前調

炭車次白石楚山向晚韻

露蟬吟詞續鈔

主

江城烏薪價倍往年鄉間伐木爲炭不藉水爲
重不拒火爲堅質良估廉於怯寒人最善距城
八十里每推小車送到一宿而去真吾歲寒友
也喜而賦之

室懸畫幃待溫鎗燃紫引樽浮綠斂戶鱗鱗看野客汗
浹頰肩如浴採向荒岩運行殘雪縞帶轉蒼玉暖風光
送歲寒差慰余獨近已屏謝高軒勞薪空煮得清泉
盈掬社裏烏金來捆載堪度無煙百六兒舞乘鳩僮呼
添獸春入屏山曲役車其罷熱紉門外喧竹

暗香

落燈風往補穿日來花信較遲屢訪幾偏歸
到小齋高枝先放喜而賦此次白石韻

踏殘雪色訪玉柯破藥惟聞牛笛健步乍移早把寒星
帶雲摘宮額輕黃兩點渾閒却描蛾香筆底事向遠嶺
疎林曲欄片地如席 仙子怕聞寂特首報一枝那許
薪積歲寒舊約今歲春深尙空憶春在無多子處笑眼
入前山遙碧祇此一牆隔耳讓誰占得

疎影

庭院朱梅春深未放弦觴偶作華萼齊開適
予有平江之行花意良足慰也次白石韻

春酣冠玉恰兒觥象板幽翠驚宿試問瓊仙底事逡巡
東山也要絲竹檀槽不是催花鼓却笑徧枝南枝北想
豔陽化盡冰霜照徹深山窮獨 甘讓東鄰早放那園
更幾樹跼萼猶綠恍憶羅浮月色初殘又見朝霞烘屋
龍吟解遣瑤妃舞莫錯怪落梅商曲趁曉窗齊獻東君
免寄驛詩盈幅

喜遷鶯慢

花朝爲百花生日次白石韻

繡苑如組早點染燒痕春孕生趣風信連番農書將獻
華悅徧懸芳宇雕窗解將半臂做生日燕歌鶯舞只讓
與那玉妃初度飛瓊遊處 紅蝶休搥取香浣夢魂戀
倚樓雙樹碧醞朝酣綵鐙宵耀惟祝有晴無雨阿環更
叅王母揔不許封姨爲侶景長住趁春光明媚蘭橈行
去

謝了圭組便種蕙菰蘭深鎖閒趣雲閣重陰霞拖新霽
和氣爲花開宇娉婷玉人影痕早相送遠山眉舞待寄
與向翠簾初捲雙成來處 青鳥頻探取芳訊未遙正
簇新瓊樹霧擁鞭絲月催帆席休誤隔溪紅雨前生自
憐秋士與老圃黃花同侶勸春住願朝朝今日韶華休
去

淡黃柳

橫塘展唐解元墓同曼受作和白石韵

租來小艇撐入荒煙陌禁火空林春憫惻經徧豐楹翠
隧擔酒山都最先識 漆燈寂若教且求食我曾訪堅

露蟬吟詞續鈔

三

樵宅埽榛蕪樹表收山色鶴語當年紙錢今日人共新
楊眼碧

玉梅令

虎邱玉蘭次白石韵

融成一片冰雪堆芳苑寒光罩萬重樓館似洞庭浪葉
照月湧如山蒲帆乍送翠橈未遠 會拋簿領匏樽相
勸今衰白讓花獨健看輪困橫臥滿腹玉精神射俗眼
遶廊迴轉

杏花天影

桃花塢次白石韻

種桃曾補仙人浦待重訪垂楊小渡莫將前度訝劉郎
且去挽漁舟爲我駐 泉臺路緋衣亂舞葬芳陌啼鵲

獨苦欲追仙筆寫花神旦暮看紅潮薄醉處

小重山令

憶連絲軒紅梅次白石韻

吹暖春江乍別時寒香開絕豔送漣漪一行經月似花
知芳菲暮紅豆盼君歸香雪是耶非朱顏全改變倍
情依玉龍吟處有鶯啼緋桃誤珍重認瓊枝

江梅引

歸舟憶鄧尉梅次白石韻

探梅難得正花時玉交枝慰離思那日筍輿筇杖酒親
携香送好風無斷處夢初回前身事有鶴知翠巖蘚
壁昔曾題屐重來花亂飛小橋短棹尙留得素月流輝
寫入奚囊橫幅未全非今日江頭看柳色已蒼萋驚風

紫點客衣

露蟬吟詞續鈔

三

百字令

題秦敦夫編修仿汪蛟門先生三好圖小照卽用元和彭羨門少宰百字令元韻四

閱

國初諸老藉文章游戲俯同羣碎寫意扶風開絳帳還
向步兵求尉絕愛拋書吾鄉杜子選伎謀新醉適情而
已幾時功立名遂細數卷上知名豪華有幾多半埋
書肆千古騎鯨人去後不及吳王餘鱸學士青箱佳人
翠袖昌谷詩中鬼一場春夢甕頭容爾偷睡
選樓風雅被名流占斷錦團花碎妙畫通神無覓處人
似棄塵仙尉百尺桐邊二分月下到手心先醉替人斯

在昔賢應喜情遂 無論杯勺笙歌縱饒芸帙難免歸
惹肆隔世知音風味合雅勝金釐銀鱸近接鄉園遠懷
耆舊感泣真才鬼追陪芳躅榻傍休訝軒睡
鬢雲鑪篆正花枝影重鳥聲風碎人共書傳蘭麝遠合
授海南香尉三粲如何一夔已足梯几纔霑醉解細金
策史公奚問壺遂 兼好孔鼎商盤金題玉躋述作推
閔肆鼇禁歸來敦夙好也學郎官名鱸座屏箏琶園收
芋栗誰勞徐無鬼夜遊難燭海棠且照春睡

感今懷古覺蛟門興短美門歌碎射鴨堂開曹事閣誰
爲溧陽分尉子救高談少游清調引我醇醪醉歡場雖

露蟬吟詞續金

二五

減壯心猶憶容遂 簿領換却吟觴東塗西抹便返屠

羊肆彈鋏依然鑽故紙且食盤中魚鱸準備雙鬟安排

百斛作賦驚山鬼養痾何所舊圖聊破清睡

僕亦有還山養痾圖

求題故云

綠意

題綠牡丹畫

錦帷繡谷怕魏姚衮衮渲染成俗天上司花給予香螺

隨手翻來青玉鸚哥舞上妝樓近似說道描蛾人獨待

作書寄與朝雲好趵一江新渌 長向芭蕉聽雨正雲

掩客舍秋入叢竹怎似東風飛盡嫣紅掩映屏山如沐

露華濃處頻添翠也直得珍珠量斛想恁時栽徧池亭

便合野堂名目

揚州慢

江口守風時赴伊墨卿之喪於揚州

搔首停雲驚心朝露小箋但寄芳名怪揮毫洒落客片
語丁寧憶桂秋凭軒別後藥爐茶竈傳說安平問歸鴻
消息倉皇遄赴江程故人好在安排重話平生奈小
艇欹篷寒潮打岸風雨無情悵望綠揚城郭商飈送喚
鶴三聲恨天涯知己匆匆長隔蓉城

綺羅香

延洪園尚衣招賞牡丹並餞王贊山同年
北上分韻得日字

詩伯聯吟花王傳語特放新晴一日十二瓊仙齊向玉
堂迎立應消得紅漱流霞早夢見彩生題筆有幾箇舞

露華吟詞續鈔

三六

蝶游蜂芳枝亂顫照瑤席侵晨同賞至夕爲春風祖
帳遙指江驛妬煞朝雲桃葉渡頭雙櫂疑疑擁髻香霧藏
鶯想垂手錦瀾催鷁今須趁翦燭添鑪對花長破寂

春從天上來

吳荷屋廉訪書約九秋西泠之游仍
用前年閩中送別原調奉命

寄到雙魚喜呼兒烹視如獲瓊琚翠竹陰中綠荷香裏
陳列彞鼎圖書猶記臨歧寫照倩名畫古雪封廬更題
圖有妙拈黃絹常伴籃輿當初輕紅擘荔攜手上三
山指點蓬壺天假詩人六橋花月非同海嶠西湖爲約
南飛野鶴尋鷗夢秋入菰蒲最清娛是紙爲風送此景
應虛

前調

疊韻謝荷屋篆并酬寄和之作

母墓碑額

雨落河魚笑傳來藻翰牽率盧珞典重焚黃碑求篆額
特頒金薤鴻書遙指慈雲一片繞鸞鶴光照幽廬報難
圖祝公同撰錄撰文孫節相書丹英協揆擁八捆輿黃初詩人吳
質寄載道吟春十二冰壺見奇春程詩十二首帶孔頻移舸脣欲
倚相思不隔重湖無那蘆簾老伴苦沈痼難挂帆蒲待
康娛便扶筇訪舊不是逃虛

前調

立春日寫春帖子自贊

一片朝霞帶簇新韶景飛入紋紗凍硯初融彩牋輕擘
毫端頃刻生花全藉東君淑氣儘描寫万象根芽更堪

露蟬吟詞續金

誇便一揮千帖腕底龍蛇

芬華齊看老樹都着了青

陽染出鮮葩墨瀋淋漓非關醉筆雲煙滿紙橫斜莫道
鉛黃小劇春來也如餌丹砂似宣麻拜山中宰相十賚
交加

金縷曲

次韻題黃秋舲詞集

著手春生驟算年年春光幾日綠肥紅瘦九十兩頭寒
更熟花事竟無多候除非是沈迷縱酒借問甚人留得
住只清詞意與東君厚輕點筆重迴首新妍那拾人
牙後恁風情將無作有種禾生豆入口惟尋踈脆韻熟
爛翻嫌皮縐有一種叫人難受不食尋常煙火食倩烹

調便勝花豬肉曾仰慕射鵰手

鳳棲梧

次韻黃秋舫客秋送別今歸而黃已先逝詞在壁間愴然有作

搖落江潭春又裊折柳人兒一別空情攬自恨歸船歸未早風光不似年時好夢裏塵緣容易了太瘦生來瘦到新詞葉

黃詞喜用瘦字故云

壁上零縑真是寶流傳繡刺鴛鴦巧

露蟬吟詞續鈔

三八

姜張之清拔既特王陳之細膩
 髮少貼膏束之凄冷出艷美蔣
 之雪碎組織蒼辛之真繼開
 拓以甚一節皆足以流芳樂府
 著跡曲部 陶山初華編案之
 長而自出掃機以律其詞其
 身清而不失于弱繁而不傷於
 傳艷而不流于穢真而不近於
 粗固著世
 初宗而姜張王陳諸公不以
 掩美於
 前矣

陶山先生初集 瑞光



靈蟬思詞

卷之

